

欽定石渠寶笈三編

欽定石渠寶笈三編

延春閣藏

四十

元明書翰 已至癸四十冊



元明書翰 已至癸四十冊

已一冊。紙本十三幅。摺裝十一幅。第八、第九  
蓑衣對幅裝。李東陽、吳寬、鄭坤、顧應祥、桑悅  
祝允明、吳一鵬詩共七種。第一一幅縱七寸  
九分。橫一尺五分。行書。昨在玉汝陳大理處  
見練川馬博士所圖望雲卷。其諸公題詠頗  
多。因不揣亦勉和卷末。敢此草呈。請正。冉冉  
山上雲。悠悠遠行客。雲來亦何心。客意本悽

惻。惻。惻。在中懷。望雲歸去來。故山渺無際。多  
上黃金臺。長沙李東陽頓首。崇善工部大人。  
第二。兩幅。皆縱六寸八分。通橫一尺五寸二  
分。行書。扇底風清。暑氣除。詩篇溢出酒杯餘。  
口來自愛鄉音合。醉後誰言禮法疎。屋角明  
星紛列炬。席間香霧濕輕裾。月斜更喜天如  
洗。當此良宵幸不虛。承携酒見過。入夜奉和。  
與諸君聯句之作。求教。因原倡持去。後首韻。

已忘不及和也。寬拜上職方先生尊契。鈐印。  
一。吳寬第三兩幅。皆縱七寸八分。通橫一尺。  
二寸八分。草書。贈念齋翰學。連巒飛翠當門。  
館。綠水逶迤羅帶長。八月風清珍木秀。百年。  
花發竇家芳。策名早注金閨籍。諫草多推華。  
省郎。醉動英音聊寄暢。懸知奕葉播書香。夜。  
宴堯山進士第。濟濟賓筵勝洋洋。既醉歌屏。  
間開寶炷。簷外挂銀河。電舉飛觴接霞綺。

食多。掌人情未極。莫問夜如何。石南鄭坤漫  
書。鈴印一。白石山居第四。一幅。縱七寸六分。  
橫一尺。行書。乙巳春。社會於峴山寺。燕畢紀  
興一首。呈社中諸老。仍用前韻。青碧峒堯郭  
外山。喜陪仙侶得窮攀。驅先賴有馮夷力。先  
日大雨至望遠恍疑黃木灣。南海浴日亭在  
日忽晴黃木之灣東坡  
翁有詩石行憩輕陰臨石上。坐聆清梵出林  
刻在焉間。無端又動尋詩興。却怕閒身也不閒。社未

顧應祥頓首呈。鈐印一。惟賢第五。一幅。縱七

寸六分。橫一尺一寸二分。行書。離明寬地位。

亭子正中央。冬日蒸簷煥。薰風透骨涼。涼字旁注

情宜徐孺洽。興與子雲長。四面看山色。清歌

入醉鄉。東吳桑悅鈐印一。民懌第六。五幅。皆

縱七寸七分。通橫四尺一寸六分。行書。長風

催人作遊計。雙足翩然踏千里。重江疊嶂日

復日。形槩不同同得意。千巖花暖春冥冥。大



江秋高一白橫。遺風飽眼畧志乘。夢境留念  
勞丹青。平生亦有登臨性。漸畏懷居恐成病。  
何處曾經地最奇。明日蒲帆助吾興。蘇臺祝  
允明。鈴印一。包山真意第七。一幅縱七寸橫  
九寸六分。行書。喜雪短律。奉呈東谿太史先  
生博笑。昨日纔元旦。來朝又立春。雪花三見  
白。造化一何神。菜摘冰芽嫩。茶烹臘味淳。聖  
皇齋禱意。歡動萬方民。年生吳一鵬。拜丙寅。

正月二日。鈐印一。南夫。

謹案鄭坤字順卿。吳縣人。有石南集。桑悅字民懌。常熟人。成化乙酉舉人。歷官柳州府通判。見蘇州府志。王汝陳瑞號。崇善。顧餘慶字餘慶。長洲人。成化士辰進士。官工部主事。長洲元和二志同。府志云。歷官河南參議。疑有誤。堯山徐禔號禔。字世光。長洲人。嘉靖壬辰進士。歷官廣東叅政。有堯山詩集。

已二冊。紙本。摺裝八幅。皆縱八寸二分。通橫六尺七寸四分。王守仁詩。馬孟河題。行書。翰苑爭誇仙吏班。更兼年少出塵寰。數珍摘藻。

依天仗。載筆抽毫近聖顏。大塊文章宗哲匠。  
中原人物仰高山。譚經無事收衙蚤。得句嘗  
吟對酒間。羽飛皦雪迎雙鶴。硯洗元雲注一  
灣。諸生北面能傳業。吾道東來可化頑。久識  
金甌藏姓字。暫違玉署寄賢闕。通家自愧非  
文舉。浪許登龍任往還。與諸門人夜話。陽明  
山人王守仁。鈐印二王守仁印。陽明山人昔  
有龍鶩客。今當問字人。出詞天地合說法鬼

神驚禮樂宗三代。簪纓重萬鈞。吾儒全屬望。  
斯教邁羣倫。題王夫子卷後。史氏馬孟河。鈐  
印。一馬孟河印。

謹案馬孟河。名一龍。字負圖。溧陽人。嘉靖丁  
未進士。歷官南京國子司業。見雷禮刊御紀  
鎮江府志作字應圖。

已三冊。紙本。蓑衣裝。十一對幅。皆縱七寸七  
分。橫四寸二分。文徵明詩。行書。木落見清真。  
端居物自春。窗虛蠅擊紙。院靜鳥窺人。白日

經。簷。短。青。衫。卒。歲。貧。新。寒。滿。城。郭。欲。出。畏。風。塵。徵。明。鈐。印。二。文。徵。明。印。文。仲。子。

已。四。冊。紙。本。摺。裝。七。幅。皆。縱。八。寸。四。分。通。橫。七。尺。四。分。王。寵。詩。行。書。口。湖。光。祿。先。生。挂。冠。還。山。十。首。春。明。門。外。玉。河。橋。軒。騎。如。龍。半。下。朝。總。道。羣。公。餞。光。祿。山。林。鐘。鼎。各。逍。遙。二。太。常。曾。奏。數。行。書。野。鶴。山。雞。只。自。如。玉。冊。金。章。光。使。節。赤。墀。青。瑣。夢。遠。廬。三。羨。殺。漕。湖。即。鏡。

湖桃花流水入虛無。南歸不向君王乞。元是  
滄浪舊釣徒。四芙蓉闕下解朝衣。白石山中  
長蕨薇。借問李鷹思玉鱸。何如方朔隱金扉。  
五。漢主龍飛乘紫蜺。嚴生苦憶桐廬谿。錦袍  
不易羊裘暖。一壑應將十乘齊。六。濁酒一杯  
琴一曲。圖書千卷竹千竿。江東自古多高逸。  
不見吳門梁伯鸞。七。天下山川數會稽。千巖  
萬壑使人迷。黃冠勅賜雲霞主。別有僊書降

紫泥八稜稜骨相稱山林流水閒雲淨道心  
芝草琅玕能久壽洞天福地合投簪九元晏  
先生好著書懶心久與寺設作市朝疎君看黃  
鵠冥冥去肯羨羣鴉腐鼠餘十寵也江湖落  
魄生元心時旁改數字夢采真行何時共隱屏風  
疊騎二茆龍朝太清嘉靖丙戌夏六月十九  
日雅宜山人王寵頓首具稟  
已五冊紙本摺裝七幅王寵詩朱曰藩附錄

共二種第一六幅。皆縱七寸八分。通橫四尺八寸二分。草書。和文衡山飲酒葛氏墓之作。昨日我入城。今朝君出郭。秋風笑人來。胡為而不樂。偶然雲林蹤。因得寄所託。鶯花雖聞。寥草木未黃落。仰見秋空高。意與俱寥廓。俯愛流水遠。顛倒飛朱閣。年華忽已彫。白日誰能縛。富貴不可待。神仙亦冥漠。何以延賞心。惟此林下酌。君其且無歸。明月窺金爵。其二。



四望何纍纍。古墓垂楊柳。無悲地下人。且進  
杯中酒。寧知千載後。而復悲我否。萬化有終  
窮。英雄亦易狗。皓月當我頭。金卮落吾手。醉  
來卧空林。天地亦何有。我愛劉參軍。荷鍤隨  
其後。楞伽寺煎茶作。我愛山谷句。車聲繞羊  
腸。想其落筆時。此心遊八荒。因之懷古人。意  
與雲飛揚。曠然形骸外。萬事俱已忘。况復南  
山隱。落葉滿空堂。秋風左右至。吹動羅衣裳。

寄言玉川子。吾與爾徜徉。吳門王寵。為渭南  
先生書。鈐印二。王寵之印。王履仁氏。第二。一  
幅。縱同前。橫八寸四分。行書。夜夢同文子休  
承。在石湖草堂。見雅宜王兄。風容如昔。而清  
辯綺燦。且誦杜子詩云。司徒天寶末。北收晉  
陽甲。口來攻吾城。愁寂意不愜。因口占紀之。  
夢中得五句。覺而續以三句。成詩。時甲寅四  
月廿六日也。久不見賈生。自以為過之。誰知

黃叔度猶是泰之師娟娟娜如山

雅宜山舊名娜如

皇皇縉雲司文同何日遇為我証相思是歲

五月晦日八寶朱曰藩附錄鈐印三八寶碧

浪湖長射陂讀書臺記

謹案朱曰藩初釋褐為烏程令故自號碧浪湖長

已六冊紙本摺裝八幅陳沂詩史大典隨筆  
共二種第一四幅皆縱八寸通橫三尺六寸  
八分行草書慶成與殿中左門宴南郊回輦

帝裡成。和烟麗日報昇平。青陽應歲開承明。  
玉帛朝元萬國榮。魚藻君臣燕鎬京。七德獸  
舞韶鳳鳴。霓旌星蓋浮空迎。黃衣入座儼穆  
清。珠履上殿列公卿。稽首齊稱萬壽觥。金輿  
典字盤百味羅珍瓊。錦屏千樹綴華英。班階  
點去賜坐旅壽行。紫微布象旋璣衡。進食時間玉  
節聲。九獻繽紛出幔城。舞隊千行數奏名。耳  
目應答勞縱橫。天顏下接燕笑生。股肱起哉

共含醞。思杯欲盡懷捧盈。飽食每令慚汗并。  
羣賢彙進道向亨。載歌天保樂皇情。喜雪次  
韻。素雪踰時降。元冥執令違。稔思三白見陽  
候。六花飛夜禱。期周雅晨興。學謝衣瑞承。天  
鑒在靈協。聖心祈。密霽瀾張幙。微霽先集璣。  
釀成初浙漑。飄動轉雰霏。幻物形差變。移時  
境倏非。高樓方足賞。鄙屋復憐饑。壯士無青  
鬢。文禽失采翬。未春林藉色。當晦砌連輝。影

落虹橋合。光凌鵲觀巍。江沙平釣磯。山徑絕  
禪扉。梅馥熏人暗。茶烟出舍微。禁園催煥候。  
戰壘肅寒威。醯客疑烹海。淵精訝燭磯。輕寒  
蜨差擬。至潔露難希。點髻瓊簪起。凝腮玉淚  
揮。塵消胡騎遁。草沒獵鷹歸。散亂深紫字。徘  
徊巧入幃。月臨猶助朗。日出不成晞。逸興宜  
乘蹇。豪酣稱炙肥。蔡兵隨步陣。楚舞鬪腰圍。  
交象俄驚怪。湘鴻早見幾。變和由相幄。布澤

自王畿授簡歸宸思。摘毫出化機。感君高詠  
贈。郢曲和人稀。沂頓首呈近湖先生笑正。鈐  
印二。陳魯南氏。石亭居士。第二。四幅。皆縱七  
寸一分。通橫三尺八寸三分。行書。八月。馬燧  
及諸軍平河中。李懷光縊死。初懷光解奉天  
圍。上以其子瓘為監察御史。及懷光屯咸陽  
不進。瓘密言於上曰。臣父必負陛下。願早為  
備。上口口卿大臣愛子。當為朕委曲彌縫之。

對曰。臣竭力不能迴也。上曰。然則卿以何策  
自免。對曰。臣父敗。則臣與之俱死。復有何策  
哉。使臣賣父求生。陛下亦安用之。及懷光死。  
璿亦自殺。懷光又有養子石演芬。嘗遣人詣  
行在。以懷光謀反告。懷光責之曰。我以爾為  
子。奈何負我。演芬對曰。天子以太尉為股肱。  
太尉以演芬為心腹。太尉既負天子。演芬安  
得不負太尉乎。演芬胡人。不能異心。苟免賊



名而死。死甘心矣。懷光使左右鬻食之。皆曰。義士也。以刀斷其喉而去。陸贄以上知待之甚厚。事有不可。常力爭之。所親或規其太銳。贄曰。吾上不負天子。下不負所學。他無所恤。裴延齡日短贄於上。遂罷為太子賓客。讀史偶錄四則。隨筆所至。無庸心也。時己亥閏三月之廿有二日。芥庵典記。鈐印二。史大典印。吉人。

已七冊。紙本。摺裝十四幅。皆縱九寸一分。橫一尺。豐坊詩行書。秣陵七歌。丙戌九月。悲哉。蒼天胡有知。遙遙瘴海無還期。丈夫生男不如女。人間安用吾生為。黃金橫腰矜氣馘。猩猩笑人脣未斂。狂嘯九關死不開。痛極慷慨思伏劍。嗚呼一歌兮誰忍歌。秋風號動沅湘波。時乞代役。既十一上。不省。我祖全歸鄧山穴。青山如環水如玦。時移勢失人共欺。宰木千章爭斬伐。

憶初射策。酬祖願。願得幽泉開笑面。誰知一  
別五六年。塚上無人澆麥飯。嗚呼二歌兮涕  
泗流。白日慘慘為我愁。吾家鄆邑之城西。百  
年破屋餘竹籬。前年倭奴苦殺戮。祖母頭白  
走且啼。幸存餘生膽已裂。昨日書來驚病發。  
別時衣線猶在身。菽水山中仗誰設。嗚呼三  
歌兮聲更苦。北風颯颯飛秋雨。側身西望岷  
山長。雲中隱隱白玉堂。人言士為知己死。素

旌一去愁茫茫。憶昔吳越幾千士。青眸偏囑  
真父子。言猶在耳。孝與忠悠悠。此生竟何以。  
嗚呼四歌兮。調轉急。欲贈瑤華老。遑及天下  
窮民。我最苦。弟兄三四皆黃土。兀然獨立多  
病身。退不能得進何補。自從離家室。罄懸古  
田春草自年年。北山移文誰與勒。萬古傷心  
棠棣篇。嗚呼五歌兮。祇自知。欲往憇之人共  
疑。有友有友來界塘。溫其如玉白面方。步出

西清日正午。握手談笑神揚揚。羣搖東壁館。  
飛鵬君身甫出鄒陽獄。嗟我生餘行路難。何  
似當時同鬼錄。嗚呼六歌兮懷管鮑。落花紛  
紛滿庭草。少年攻文恥為吏。羣公謬許青雲  
器。陸機詞賦何足奇。徒令四海知名字。黃鵠  
鍛翼雄鳩飛。邯鄲才人所養妻。况復夫人有  
美子。折腰垂首端為誰。嗚呼七歌兮歌且住。  
春來拔劍還山去。寒雨唼丙寅九月。牀頭雨。

聲疑榨酒。猛風劈窗驚虎吼。樊衾百碎不成眠。抱膝微吟粟雙肘。丈夫高才生不偶。壯齡意氣復何有。百年清白家故貧。古屋數楹竹為牖。寒氣三方直射入。此身胡為在荒藪。榻前只尺皆沮洳。棟上毒蛇逐蛙走。兒號女啼那忍顧。菽水糟糠幸相守。孔明子儀誠浪言。原憲顏淵庶堪友。憶昔京師拜先達。崔公此言常在口。世間萬事等浮雲。唯有文章應不

朽。倉吏陰功哀若何。不見三春盛花柳。思之  
令我懷抱開。詩成一笑還搔首。冬夜卧病雜  
述。兼以自挽。辛亥十二月。憶余少壯日。治遊  
東西京。方春景物融。桃李何熒熒。野鶴空中  
翔。鸛鵒花間鳴。吾將奏瑤瑟。聽之不勝情。涼  
風起清夜。萬壑皆層冰。松檜盡摧枯。薺麥盈  
中庭。衣單怯行旅。衡門故深扃。衡門一何曠。  
薺麥一何盛。積雪無春冬。嚴飈日夕勁。猘猱

據中途。狐狸伺周逕。桃李靡嘉實。松柏摧本性。何況懷遠遊。絺裳不垂脛。窮居抱長饑。蕭條發孤詠。寄謝蘇門子。遐踪疇與並。九齡志狂簡。竒功亮與儀。中歲頗聞道。鄒魯真吾師。沉疴伏空林。百懷靡一施。險阻任飽經。洞然見天機。孔顏樂當年。反躬日孳孳。於物恒罔校。問天敢求知。怡然獲我心。孰謂怯且癡。夷溷餓而死。躋廉壽且侯。培覆天所鍾。豈不同。



人謀先哲示諄言。禍福皆自求。悲哉念人極。  
神理竟悠悠。莊生獨高曠。吐嗟國與鈞。呂梁  
躍波叟。知命信沉浮。惟以葆真性。庶以無怨  
尤。二紀不能起。萬慮亦已空。展轉徹昏旦。激  
烈悲吾翁。純德由慎獨。大節徇孤忠。高文衆  
謠詠。竒禍天盲聾。夢寐繞膝前。提携愛所鍾。  
覺來號宇宙。利刃攢心胸。既乖緹紫志。復愧  
申胥功。噬臍河豈清。覲顏疾滋攻。願言早乘

化幽泉幸追從。秋興悼安仁。七窮感昇之。生  
才未能篤。造物亦何為。嬰疾自襁褓。九我恩  
孔悲。幸茲逮耆艾。履虎備艱危。積疾厝薪火。  
雕元抽繭絲。頗求伯陽訣。亦就倉公醫。膏竭  
燭斯滅。氣斷形漸離。元珠委泥滓。光彩中無  
虧。右力疾為友軒李公書。友軒知我而深閔  
其窮。故所錄皆哀苦之辭也。連日絕糧。病復  
加篤。蓋至是而人琴俱亡矣。詞翰云乎哉。嘉

靖卅年季冬甲戌。南禺外史豐道生。鈐印五。  
人翁。南禺外史。青厓白鹿。天官考功大夫印。  
口龍口虎。

已八冊。紙本。摺裝十一幅。皆縱七寸九分。通  
橫一丈六寸八分。徐渭草書杜甫秋興八首。  
詩不錄天池道人渭書。鈐印三。公孫大娘。天池  
山人。湘管齋。

收傳印記。贊樞。臨池珍賞。

七冊  
首幅

炳圖之印。墨

林秘玩

八冊  
首幅

庚一冊。紙本。蓑衣裝八幅。皆縱七寸三分。橫一尺一寸二分。海瑞草書清操日飲廉泉水。長嘯時登橫翠樓。海瑞鈐印一。海瑞。

註案海瑞字汝賢。瓊山人。累官南京右都御史。贈太子太保。諡忠介。明史有傳。

庚二冊。紙本。蓑衣裝十四對幅。一縱八寸八分。橫四寸一分。二縱八寸。橫三寸九分。三縱八寸五分。橫三寸七分。四縱七寸二分。橫三

寸九分五。縱八寸二分。橫三寸八分。六。縱七寸八分。橫四寸二分。七。縱八寸四分。橫三寸九分。八。縱八寸五分。橫三寸八分。九。縱七寸八分。橫四寸。十。縱八寸二分。橫四寸一分。十一。縱七寸五分。橫四寸一分。十二。縱八寸五分。橫四寸。十三。縱八寸六分。橫四寸。十四。縱九寸一分。橫五寸六分。申時行行草書。十載江湖望帝閣。千秋心事向誰論。青蒲諫草留。

蓬閣錦軸褒章至華門。明主笑顰闕大計。老  
臣終始荷殊恩。謳歌不盡封人祝。更有芻蕘  
答至尊。存問紀恩作時行。鈐印三。宗綸堂。瑤  
泉。大學士印。

庚三冊。紙本。摺裝十幅。皆縱八寸二分。通橫  
六尺六寸九分。朱曰。藩行草書。亭開初夏。柳  
陰籠水。繞長橋。瀉玉虹。野鶴獨翻炎海外。僊  
家只在此山中。隔簾爽氣飛朝雨。入枕泉聲

漱晚風更愛座深塵不到夜清依借月瓊靈

應作瓊

江花江草淨春煙北望空懷乘興船水

國人家種楊柳清明士女競秋遷客厨未乞  
龍蛇火旅食頻催犬馬年遙想風流王柱史  
西臺銀燭柘枝顛風流最愛永和年四十二  
賢何處邊儂亦有蘭亭水句脫洗出鷺羣媚  
碧天佳辰風雨近山居雅會空傳長者書望  
裏石渠耽寂寞意中宮樹轉扶疎白頭供奉

題瑤帙。朱夏高明想玉除。最愛淮南好端午。  
旅人猶自到吾廬。東原草堂千竹開。三道湖  
波盪月來。莫向高峯遠海。句脫一字人生樂事是  
蓬萊。海潮南去過潯陽。牛渚由來險馬當。橫  
江欲渡風波惡。一水牽愁萬里長。雨過清坪  
不見人。剪茸新茗白如銀。數聲鼓笛叢祠近。  
知是祈年賽水神。嘉靖乙卯秋日書於朱干  
草堂。射坡朱曰藩。鈐印二。子价道人朱曰藩。



印。

庚四冊。紙本。七對幅。文彭書。前二對幅。皆縱  
六寸六分。通橫一尺二寸七分。楷書。小園半  
夜東風轉。吹皺冰池雲母面。曉披閭闔見朝  
陽。知向碧堦添幾線。小烟弄柳晴先暖。殘雪  
驚梅香尚淺。殷勤洗拂舊東君。多少韶華都  
借看。右調玉樓春湧金門外小瀛洲。寒食更風流。  
紅船滿湖歌吹。花外有高楼。晴日暖。淡煙浮。

恣嬉遊。三千粉黛。十二欄干。一片雲頭。

右詞  
新表

情。欲減羅衣寒未去。不捲珠簾。人在深深處。

紅杏枝頭花幾許。啼痕止恨清明雨。盡日水

沉香一縷。宿酒醒遲。惱破春情緒。飛燕又將

歸信誤。小屏風上西江路。

右詞  
蝶戀花

山與歌眉

斂。波同翠眼流。遊人都上十三樓。不羨竹西

歌吹古揚州。荻黍連昌歎。瓊彝倒玉舟。誰家

水調唱歌頭。聲繞碧山飛去。晚雲留。

右詞  
雨柯子

薄霧濃雲愁永晝。瑞腦噴金獸。佳節又重陽。  
寶枕紗廚。半夜秋初透。東籬把酒黃昏後。有  
暗香盈袖。莫道不銷魂。簾捲西風。人似黃花  
瘦。

瘦。

右調 醉  
花陰

鈎簾借月。染雲為幌。花面玉枝交。

映涼生河漢。一天秋。問此會。今宵孰勝銅壺  
尚滴。燭龍已駕。淚浥西風不盡。明朝烏鵲到  
人間。試說向青樓薄倖。

右調 鷓鴣  
橋仙

明月幾時有。

把酒問青天。不知天上宮闕。今夕是何年。我

欲乘風歸去。惟恐瓊樓玉宇。高處不勝寒。起  
舞弄清影。何似在人間。轉朱閣。低綺戶。照無  
眠。不應有恨。何事長向別時圓。人有悲歡離  
合。月有陰晴圓缺。此事古難全。但願人長久。  
千里共嬋娟。右調水調歌頭檢盡歷冬冬。又殘。愛他  
風雪奈他寒。拖條竹杖家家酒。上箇籃輿處  
處山。添老大。轉痴頑。謝天教我老來閒。道人  
還了鴛鴦債。紙帳梅花醉夢閒。右調鷓鴣天雲垂

幕陰風慘淡。天花落千秋。瓊玖滿空驚鶴。征  
車渺渺穿花薄。路迷迷路增離索。增離索。楚  
溪山水碧。湘樓閣。右詞憶秦娥斷虹霽雨淨秋空。  
山染修眉新綠。桂影扶疎。便道今夕清輝不  
足。萬里青天。嫦娥何處。駕此一輪玉。寒光零  
亂。為人偏照醺醺。年少從我追遊。晚城幽徑。  
遶張園森木。共倒金尊家萬里。難得樽前相  
屬。老子平生。江南江北。最愛臨風曲。孫郎微

笑。坐來聲散霜竹。

右調念奴嬌

斗帳高眠。寒窗靜

瀟瀟雨意。南樓近。更移三鼓。漏傳一水。點點

不離楊柳外。聲聲只在芭蕉裏。也不管滴破

故鄉心。愁人耳。無似有。遊絲細。聚復散。真珠

碎。天應分付與別離滋味。破我一床蝴蝶夢。

輸他雙枕鴛鴦睡。向此際。別有好思量。人千

里。

右調滿江紅

玉骨那堪瘴霧。冰肌自有仙風。海

仙時遣探芳叢。倒挂綠毛么鳳。素面翻嫌粉

浣洗粧不褪唇紅。高情已逐曉雲空。不與梨

花同夢。

右調西  
江月

水楓葉下。乍湖光清淺。涼生

商素。西帝宸遊羅翠蓋。擁出三千宮女。絳綵  
嬌春。鉛華掩畫。占斷鴛鴦浦。歌聲搖曳。浣紗  
人在何處。□□□孤棹一枝。廣寒宮殿冷落  
悽愁苦。雪艷冰肌。羞淡白□□□□勻注。嬌  
臉籠霞。芳心滴露。不肯為雲雨。金波影裏。為  
誰長恁凝佇。

右調念  
奴嬌

嘉靖辛酉秋七月廿又

九日。三橋文彭。書於悟言室。鈐印二文。彭印。  
文壽承氏。後五對幅。皆縱八寸一分。通橫三  
尺七寸六分。草書。玉質金鱗。錦不如相依碧  
藻。映清渠。書齋盡日無人到。看爾洋洋樂有  
餘。文魚。灑灑泳方塘。火齊珊瑚映。截肪移向  
盆池。看不厭。此身何必在濠梁。乞得金魚樣  
數多。紅紅白白戲清波。獻珠僊女將軍印。玉  
樹金花界地羅。楊妃沈醉錦披頭。錦被牙床



色更優。鶴頂丹砂朱絡索。一時聲價遍遐陬。  
五色吳箋勝陟釐。端州貢硯墨花垂。試拈閣  
帖閒臨學。不是羲之即獻之。山水平生興不  
孤。嘉禾惟有水平鋪。不須刻木如朱子。自是  
營邱設色圖。黃鳥啼春春晝長。紙屏矮几竹  
匡牀。薰爐香燼茶甌歇。掛起南窗納晚涼。近  
作書去發一笑。學中掌教欲求舊作一二首。  
千萬立揮為妙。餘情種種不能道。前日王鶴

梁來知起居佳勝甚慰。餘俟更悉不備。彭頓首。隆池尊兄。端陽後二日。

庚五冊。冷金箋本。八對幅。皆縱八寸三分。橫四寸三分。文彭草書。羣鴉盤舞。曙光微。閭闔晴霞拂羽旂。萬象更新回泰宇。普天同慶仰垂衣。雲移玉殿開三極。日射銅龍轉六飛。歌頌無能鳴盛世。直從堯舜咏巍巍。頒詔侍班一首。三橋彭。龍樓候曉報雞人。玉殿千宮氣

象新。改歲自慚虛過日。授時喜得又逢春。素  
微曙色開黃道。髣髴爐烟散紫宸。願朔從來  
傳盛事。覃恩何幸及微臣。頌歷一首。三橋彭。  
新寒一雁下瑤臺。葭莢蒼蒼白露推。氣爽星  
河搖碧落。雲深島嶼隱蓬萊。紅蓮已逐金風  
盡。綠水平臨玉殿開。正是宸遊初過處。遙瞻  
飛蓋尚徘徊。初冬西苑瞻眺二首。三橋文彭。  
聖主臨雍慶禮成。千年文物睹昇平。五雲馭

日來三殿百辟承恩下九城。象輦乍迎清蹕。  
迴鸞旌前導翠華明。草節何幸躬逢盛。敢謂  
儒冠誤此生。奉候聖駕幸太學一首。三橋彭。  
分鈐印。文彭之印。重文壽承氏。重  
庚六冊。紙本。摺裝七幅。皆縱九寸一分。通橫  
七尺四寸九分。文彭草書。春雨陰陰十日餘。  
苔封曲逕。掩精廬。泥深門外無車馬。自向山  
齋理舊書。文彭鈐印三。豪氣未除壯心不已。

文彭之印。文壽承氏。

庚七冊。紙本。蓑衣裝。五對幅半。一幅縱七寸二分。二幅縱七寸一分。三幅縱六寸六分。四幅縱七寸三分。五幅縱六寸八分。後一幅縱七寸。橫俱四寸六分。周天球草書。杜少陵詩四首。天門日射黃金榜。春殿晴曛赤羽旂。宮草微微承委佩。爐烟細細駐游脫絲字。雲近蓬萊常五色。雪殘鵲亦多時。侍臣緩步歸青

瑣。退食從容出每遲。戶外昭容紫袖垂。雙瞻

御座引朝儀。香飄合殿春風轉。花覆千官蜀

錦移

三字行

淑景移。晝漏稀聞高閣報。天顏有

喜近臣知。宮中每出趨東省。會送夔龍集鳳

池。瞿塘峽口曲江頭。萬里風煙接素秋。花萼

夾城通御氣。芙蓉小苑入邊愁。珠簾繡柱圓

黃鵠。錦纜牙樯起白鷗。回首可憐歌舞地。秦

中自古帝王州。中天積翠玉臺遙。上帝高居

絳節朝。自有馮夷來擊鼓。始知羸女善吹簫。  
江光隱見龜鼉窟。石勢參差烏鵲橋。信有紅  
顏生羽翼。便應身二字原本倒寫世老漁樵。萬厯己  
卯日長至。六止居士周天球漫書。鈐印二周。

天球印。周公瑕氏。

庚八冊。紙本。摺裝十二幅。周天球。彭年。楊所  
修。莫是龍。文嘉。袁襄。周庚。顏克承書。一。二。三。  
幅。皆縱九寸。橫一尺一寸二分。行書。雲水無。

心入漢京。舊遊相訊。各含情。愁邊綠筆。花全  
落。賦裏黃金。草未成。客散溪門。聽繫馬。春殘  
官柳。不聞鶯。豪華逝水。那能待。可道紅顏白  
髮生。右都門志感一首。周天球書。似紹岡文  
學。鈴印二。周公瑕氏。羣玉山樵。四幅縱七寸  
七分。橫九寸五分。行書。虬枝百尺。萬葩紛滿  
院。秋光爛紫芬。卉木應裁小園賦。烟霞却笑  
北山文。論詩世已推靈運。問字吾方扣子雲。



內省清華豈無伴。高齋虛白自為羣。右質山  
館紫微盛開。花幹俱異常。因賦以贈。彭年書  
天全兄素冊。一笑。鈐印二。隆池清世逸民。五  
幅。縱七寸一分。橫六寸一分。行書。兩兩牧童  
牛背穩。蓬毛短。笛雜村歌。無心驚破舟中夢。  
若箇清溪無薜蘿。此儀真舟中之舊作也。因  
觀此畫。遂書之。西蜀楊所修。鈐印一。楊所修  
印。六幅。縱八寸三分。橫九寸五分。行書。笑解。

千金裝。送君歸舊疆。寒星衝夜色。秋水湛波  
光。借客身魚許。酬知價不償。但論乖合易。神  
物愧千將。詠斂送友人作。是龍為天泉書。鈴  
印二雲卿。玉關山人七。八。九幅。皆縱七寸八  
分。通橫二尺四寸九分。行書。人間不見廷口  
口。世上空傳潘谷方。賴有吳君能鍊玉。山中  
夜夜發紅光。水晶宮客今何在。墨法猶存舊  
典型。安得澄心堂上紙。明窗淨几搨黃庭。端

溪紫玉淨堪憐。繭紙如雲滑更便。睡起臨窗  
試新墨。恍然尺楮動雲烟。衡郡文嘉。鈴印二  
文休承。肇錫余以嘉名。十幅縱七寸五分。橫  
一尺一分。行草書。上巳日陪文太史祓禊桃  
花園。風日喜臨佳節好。林亭更愛小庄幽。藥  
欄舞蝶雙雙戲。花沼羣魚隊隊遊。旋摘園蔬  
當鷄黍。新栽筵竹間葵榴。亦知生計須農圃。  
便擬青門老一邱。舊作書似貞卿秀材。胥臺

表草十一幅。縱七寸二分。橫一尺四寸六分。  
行草書。僕入官生子。兩承高作見賀。感愧之  
餘。依韻奉謝。友生周庚拜首。上秋堂學諭先  
生侍史。獻策無能。論治安。却緣方匕竊微官。  
山中招隱荒茆屋。海上旁注一作花裏尋師阻杏壇。  
政恐移文增我愧。不嫌捧檄為親歡。神堯在  
上恩初渥。敢向何門便挂冠。未擬弓裘付此  
兒。吾翁亦足慰衰遲。難窠敢謂丹山穴。標社

難求玉樹枝。前夜試啼聊爾耳。異時書諱任  
今茲先生生子猶孫策。觀我無煩更朶頤。十  
二幅縱八寸二分。橫九寸四分。行書。林居靜  
無事。藜竹亂春風。卧穩人來少。孤雲映遠空。  
春暮齋居即事。長溪斜日落。新柳淡疎烟。倚  
杖心無累。牛羊草上眠。春暮村居即事。分鈴

印。顧克承氏。

重一

謹案楊所修商城人。萬應庚戌進士。歷官左  
副都御史。以附璫罷。為民業。積十五年。流賊

臨商賦被執不屈死見明史稿周庾字原已  
初名京吳縣人家世業醫而庾善詩書工古  
文詞善行楷成化中以名醫徵官太醫院判  
見蘇州府志秋堂學謝又見後李應陽書  
辛一冊八對幅董其昌書前四幅紙本蓑衣  
對幅裝皆縱六寸九分通橫一尺九寸八分  
行書帆前送目四天無長泖雲濤接具區不  
以盈虛隨海月直於伯仲見江湖澄鮮空水  
通禪觀浩蕩烟光混釣徒莫道行吟唯澤畔  
採華幽興未能孤秋日泛泖一口董其昌後

四幅繭紙本。對幅裝。皆縱四寸七分。橫三寸六分。行書。昔開府垂名於晉室。澤州考績於國朝。道素相承。世傳儒雅。尚矣。萼不照於棣華。龍驤驤乎雲路。則公山正禮。策高足於前。沖與太真。嗣家聲於後。江月弦魄。秦淮頂潮。沖之斯行。正及春水。作郡平原。與從事掌銓吏部。第甲乙而超升等夷。過來蹉跎。猶屑卑位。臨顏平原。送劉太沖序。董其昌。分鈐印三。

董元宰氏董其昌元宰

辛二冊紙本摺裝八幅皆縱七寸七分橫九寸九分董其昌行書金榜重樓開夜扉瓊筵愛客未言歸銜歡不覺銀河曉盡醉那知玉漏稀晴風麗日滿芳洲柳色春筵被錦流皆言侍蹕橫谿燕整似乘查天漢遊金谿碧水玉潭沙鳬鳥翩翩弄日華關雞香陌行春倦為摘東園桃李花華陽春樹號新豐行入新



都若舊宮。柳色未饒。秦地綠花光不減。上陽  
紅。日落沙明。天倒開。波搖石動。水縈迴。輕舟  
泛月尋谿轉。疑是山陰雪後來。洞庭湖西秋  
月輝。瀟湘江北早鴻飛。醉客滿船歌白苧。不  
知霜露濕寒衣。南湖秋水夜無烟。耐可乘流  
直上天。且就洞庭賒月色。將船貰酒白雲邊。  
向風長嘯戴紗巾。野鶴由來不可親。明日相  
逢變名姓。五湖煙水覓何人。今春喜氣滿乾

坤。南北東西拱至尊。大厯三年調玉燭。元元  
皇帝聖雲孫。漢宮四百四十五。都下珠簾閉  
瑣窗。何處營巢夏將半。茆簷烟寺語雙雙。翠  
樓春酒蝦蟆陵。長安少年皆共影。字有誤紛紛  
半醉綠槐道。蹀躞花驄驕不勝。柳條拂地不  
須折。松枝入雲從更長。藤花欲暗藏猱子。柏  
葉初齊養麝香。辛未中秋。其昌書。鈐印一。董  
其昌印。董思翁此冊。鬱勃揮霍。紫洄飛動。顛

素狂旭中。自有規檢。真龍自與凡種別耳。幸  
寶藏之。陳繼儒題。鈐印二。眉公。陳繼儒印。業  
師董宮保。少年筆力適媚。多用側鋒。中年中  
鋒極多。晚時則全用中鋒。益老益健。真右軍  
復生矣。無款印。

辛三冊。九對幅半。蓑衣裝。陳繼儒。文震孟。徐  
宏基書。前三對幅紙本。一右縱八寸五分。橫  
四寸七分。左縱八寸。橫四寸六分。二右縱九

寸一分。橫五寸六分。左縱七寸七分。橫四寸九分。三縱七寸五分。橫一尺一寸三分。行草書。桐花如雪。積空階。香氣綢繆。百和諧。何處綠衣么。鳳鳥飛來先。掛美人釵。陳繼儒。鈴印二麋公。雪堂中。四對幅半。絹本。一縱七寸六分。二縱七寸一分。三縱七寸。四縱七寸一分。後一幅縱七寸四分。橫俱四尺二寸。行草書。

文缺不  
能讀

通沼採詩聲。榴花若乞選。涼颼悄踏

枝艷落侵苔蘚岸招符分餞波演不及弔汨  
羅解粽聊投隨午雲浴蘭棹一碧劃如展綠  
箸爭舒卷驚破幾鷗棲空馥流龍靜烟河淺  
澤畔間行吟蒲醒翠可吸葵喜丹可吮飛薄  
者何馨簌簌復剪剪往返典荷錢酒氣忽如  
遣文震孟鈐印一文震孟印後二對幅紙本  
皆縱七寸五分橫四寸三分草書星橋南挂  
象天河春水桃花漫漫波一曲漁歌江隔越

不知清廟有雲和徐宏基鈐印二魏國公章

青宮太傅

謹案徐宏基徐達九世孫官守備南京領軍府事累加太傅謚莊武詳見明史徐達傳

辛四冊紙本摺裝十幅莫是龍書前五幅皆縱五寸六分通橫四尺二寸三分行草書昨從聖卿家復入邑中而令君已之郡計其歸當在明晚弟以兩日了筆墨逋兩日與之飲別便可入郡城尋足下及二仲為信宿之歡

也。住此不半月。而足下遺訊三至。何多情。若是。讀簋頭新詩。無論詞雋格高。委宛衷肝。真如對面。足下病耶。何來快人語也。畫扇即未可便完。其一扇當於枕上勉和。書呈覽正耳。游齊雲得二詩。恐不免為山靈所笑。聊書附使者。雲卿弟頓首。子虛詞丈先生足下。鈐印二。莫雲卿印。東海莫長公印。後五幅縱同前。通橫四尺二寸六分。行草書。賦贈鴛鴦湖小。

妓。妾住鴛鴦湖水曲。鴛鴦湖水年年綠。烟芳  
拍拍蕩春愁。嬌殺雙蛾翠不流。燕子樓空明  
月浦。芙蓉檝老白蘋洲。當年意緒風前柳。塵  
土穠華垂十九。舊事蹉跎安可論。妾今有恨  
君知否。吾家瓊樹光陸離。借取深栖第幾枝。  
只是隔君衣帶水。忍教雲雨費相思。數年前。  
余所暱小伎。為崑生者。可謂當時妙麗。別不  
三載。化為異物。殊深西陵松柏之感。時近清



明。追念曩遊。景事若夢。吾弟子聖與過新齋  
中。書此紀懷。辛巳仲春廿二日也。雲卿鈐印  
二。莫雲卿印。莫廷韓氏幅尾半印。二不可辨。  
辛五冊。紙本。七對幅半。杜仁俊書。前五對幅  
皆縱六寸二分。通橫三尺八寸八分。草書。爾  
堅持令師澄霽篆章見贈。名字芳師篆闕門  
為子開。籀文何日吐。石韻借人來。懷好窗當  
樹。春陰砌上苔。清言遲日夕。出戶半蒿萊。題

麻姑二仙人圖。相看採藥滿葫蘆。赤足空山  
儘自娛。可是前生曾聚首。忽然對面認麻姑。  
送鍾克悟湖莊讀書。共用君字。君去湖干我  
送君。尋舟出郭已斜曛。定知水國文星吐。所  
惜春城好友分。青草沿堤鋪夜月。蒼波遶屋  
洗晴雲。茫茫百里勞人夢。有得還期一寄聞。  
月夜二絕。高館三更月滿窗。身如孤艇坐空  
江。不知春已行過半。何事冰心未肯降。一床

春月照無眠。頓令心游上古前。天外更知何  
處好。空山亂木起寒烟。慧謙召卦草庵社集。  
分得來字。東風不速過城來。茆屋人將白社  
開。筆墨多情妝藻翰。鶯花無賴坐青苔。庵能  
作主。蔬堪摘。我固非僧。髻可陪。漸看夕陽下  
木末。更留清興與徘徊。關中答萬方平先生  
來韻。數年湖上愛閒居。入郭還教一閉廬。豈  
為忘情逃世法。祇緣存拙守吾初。東風深樹

留聲厚。夜月高齋落影徐。望到春雲思轉寂。  
誰言渺渺獨愁余。上武統哲公祖。挾書今始  
謁吾師。投刺高山景行時。風采冲融生畏愛。  
性情雍肅起追隨。霜凝別院寒圖畫。月滿虛  
堂浸鼎彝。多少清音足聞見。冰心一片養於  
斯。有斐真教頌武公。人文南國感遭逢。平心  
月旦宗風起。開眼篝燈靜氣通。十載幸酬辛  
苦令。一經不負揣摩功。余雖命薄虛知己。所

見英雄委是同題石圖。嶙嶙峋峋。稜稜齒齒。  
耐風耐霜。居然杜子。曉園杜仁俊。中二對幅。  
皆縱七寸五分。橫四寸八分。行草書。仲舉無  
心。除一室。雪峯有筆。寫千峯。欲叅苔帚閒中  
意。九點秋山雨後容。後一幅。縱七寸八分。橫  
六寸九分。草書。青青遍滿小池塘。離合風來  
任主張。莫遣村童垂釣餌。碧陰留著護魚梁。  
萍葉次韻杜仁俊分鈐印。仁俊之印。思曠酒。

人杜仁俊印書家仁俊

謹案孫樸字子虛常熟人見蘇州志攷後癸  
一冊又有雲卿書言子虛與汪道昆居舍相  
近則為休寧人非樸矣姓名未詳存以俟攷  
札中言二仲即江仲淹仲嘉攷見後蓋前後  
兩札為一時書也

辛六冊紙本摺裝六幅皆縱七寸八分通橫  
四尺九寸四分王鐸行草書水樂亭成詩以  
落之得十首涇東涇西秋已分紅亭姿媚水  
花文裁詩欲報白雲子把酒先浮滄海君雙

橋對峙看人間。九曲紅欄鎖碧灣。好是白家  
伊水宅。涼州歌罷日沈山。水碧玲瓏秋可憐。  
江湖只在卧房前。端居好養維摩病。銷得天  
人第一絃。五湖秋水淨琉璃。依舊垂楊接汴  
堤。莫聽龍舟五更曲。揚州花月使人迷。把酒  
沈冥話達生。世人久已棄君平。明河直在朱  
欄外。誰趁靈槎犯斗行。白馬洲前魚筍秋。彈  
歌不作越卿愁。朝來載入旌亭裏。親故門前

置兩頭。黃河南走下淮洲。千里一曲無時。

下脫

一野人拾得支機石。濯向崑崙五色流。風流

最愛永和年。四十二賢何處邊。儂家亦有蘭亭水。洗出鴛羣媚碧天。董生陸生吳下豪。斗酒經過話久要。莫道勸君無妙曲。醉鄉絲竹不須調。曾因梵樂動鄉思。為爾潺湲日夜馳。何似雞籠山下聽。半天樓閣日斜時。王鐸鈴印。一王鐸之印。



辛七冊。紙本。摺裝十四幅。皆縱八寸八分。通  
橫一丈一尺五分。王鐸草書。金山頂鴻飛閣。  
秋山晚更青。垂老探元冥。漠漠朝多雨。蒼蒼  
夜降靈。菊醕無客醉。簫韻與猿聽。輾轉懷蕭  
爽。銀河展幔亭。告大次寒陽。山趣懶人山。是  
與長夏觸心光。已見碧桃實。空思紫草芳。輯  
書蛇性善。撫軫鶴音涼。勸汝勤鞅掌。白頭養  
石房。口煙欲行。何道能留汝。生涯正未窮。圍

城榆葉雨成

以上三字誤裝鼓稻花風之後

鼓稻花風漕自

江淮轉人纔鄒魯通片帆安可問海氣遠天

空陽山郊湜湜尋香岫傍傍過水門江帆

下脫

一。所事。

下注何安二字

村柳自無喧客況空高埠鶯

聲似故園不聞何處去悅悟在巖根石憲名

自許墅入大石山登象鼻諸峯牢落江湖客

偏將梵服尋苟非同采藥不易有幽心蔚薈

消諸霽琴書閱一岑足音無亦好蚓食保芳

林崇禎皇帝十六載。寓孟莊山志園。燈下書  
狂作數首。公度鄭詞丈正之。孟津王鐸年五  
十二歲筆。鈐印二。王鐸之印。覺斯。

辛八冊。紙本。十三對幅。

每幅大小全缺不一。縱橫不計。

行草

書。半醉猖狂發。滔風意不伸。無家羞作客。懷  
土且藏身。匣劍悲鳴澀。囊金寂寞貧。惟思總  
轡去。天外控雲輪。將遠行適。辛卯夏夜。王鐸  
鈐印二。太傅王鐸。紫團山谷。

收傳印記雪嶽冊一

壬一冊。紙本。摺裝七幅。吳寬李應禎尺牘共  
六通。沈貞吉詩一首。第一一幅。縱七寸六分。  
橫一尺一分。行書。雅愛所及。感感座間。道吾  
兄苦於丹毒。不覺為之惘然。計此時已好。未  
幸善調理。將息勿為過勞也。詩社寥寥。專俟  
八城貴體。倘未全愈。就醫亦便。望照諒。契弟  
吳寬頓首。啟南契兄先生執事。鈐印一。吳寬。

第二。一幅。縱八寸一分。橫六寸四分。行書。高  
賢稅駕。不佞亟欲即奉清光。無何中暑小恙。  
不克趨左右。私心徒切鄉違耳。忽拜雅貺。重  
感先施。對使登嘉。少差一二日。當躬聆塵教  
也。此謝。寬再拜。押。玉。第三。一幅。縱七寸四分。  
橫七寸。行書。節物遠至。厚意感感。黃精他處  
所產。不虞領惠。兼侑以詩。後當和去以謝也。  
人還。附此不具。寬拜。安道賢友足下。第四。一

幅縱七寸五分。橫一尺一分。行書。前二日傳聞新藩有此事。忽得手書。始信此蓋天災。有數存者。吾友徒費心力。深負勤勞。亦付之無可奈何而已。因盛价還畧此奉復。本部亦屢言及矣。令親盧氏造橋記。去歲寄與本縣劉尹轉付之。欲作興其事。以為好義者之勸。未見回報。便中併附知之。寬拜守之。正即契家友侍右。第五。一幅。縱七寸五分。橫一尺一寸。

一分。行書。友生李應禎頓首。憲使大人鄉長  
執事。比僕到廣西。不得奉見。至今怏怏。近來  
不審體候何如。益用馳系。鳴鳳方伯不見內  
遷。翻致遠調。莫年得此。想不甚堪。奈何。區區  
公事未完。計歲底或可歸。茲以承差人便。草  
率奉問。幸恕察。仲冬十六日。應禎頓首。第六  
一幅。縱七寸。橫一尺一分。行草書。伏承

二字半缺

寵惠。春風樓高作。病中未得拜謝。悚息。悚息。

奉去薄禮。少旌微意。不罪浼瀆。笑留是幸。京  
中倡和二卷。并近日啟南贈行詩畫。都借一  
閱。至叩。應禎再拜。秋堂學諭先生執事。第七  
一幅。縱橫俱九寸。行楷書。仁齋。吳下醫名到  
處傳。活人惟有藥通仙。但存陰隲為生意。欲  
濟貧家不論錢。隔竹夜燃蒸朮火。入山朝汲  
煉丹泉。杏花千樹門前路。彷彿桃源小洞天。  
八十三翁沈貞吉。鈐印三。吳興陶菴。清白傳。



家。

謹案沈貞吉名貞號南齋以字行即周之伯父致見續編安道顧以山字以山常熟人天順丁丑進士歷官陝西參政守之張約字約長洲人宏治庚戌進士歷官工部郎中鳴鳳章律字律昆山人景泰甲戌進士由刑部主事歷廣西右布政使改貴州後官南京左副都御史並見蘇州府志是冊言鳴鳳方伯暮年進調蓋改貴州時也

壬二冊紙本摺裝九幅沈周祝允明唐寅尺

牘九通第一一幅縱八寸二分橫一尺一寸

一分行書兩辱枉顧足叙雅愛又辱佳章繼

至。別來多在病鄉寥落。無以為懷。得歡且半。  
年三病。詩未能請教。并酬勤勤耳。大參張先  
生聞小恙。不識平復否。中吳紀聞曾檢得出  
否。薛公所得山谷書。無恙否。于林行促。草草  
奉問。不宣。眷末沈周再拜。應龍先生親誼足  
下。第二幅縱八寸三分。橫一尺一寸一分。  
行書。適有人自府前來云。府中已出告示。秀  
才告者限在三日內。納銀限五日內。亦未審。

的否。家下乏識字者。想親家已知。若果然。愚  
意明日且早去告過了。隨即收拾納銀可也。  
料吾親家之事。彼加意贊成。豈有不力而疑  
阻。但上前為妙。昏暮熱鬱。不能躬造矣。并恕  
草草。即日。允明頓首。尊親家丈執事。友梅來  
否。并望示知。明又拜。第三。一幅縱七寸六分。  
橫四寸四分。行草書。昨簡錫物。俱將就存用。  
仍數件必要精細。以往京作人事故也。幸留

意。至緊至緊。祝允明頓首。廷璧兄契丈。第四  
一幅。縱八寸二分。橫一尺一寸一分。行草書。  
所煩買紗。深知節後事忙。奈僕後日鄉行。以  
此相促。千萬今晚定。至祝至祝。又諸稿簿并  
散帑橐。俱望撥冗檢付。此尤是急如星火。望  
今夕擲來。容特謝也。外錢三十文。煩付竹大  
青一百。小方高五十。餘付包封白紙。六日。允  
明頓首。元和道茂第五。一幅。縱八寸。橫九寸。

七分。行草書。拙稿勉就。當還書之。良以日出  
事生。紛騰之極。故與公期。欲得一佳處。抽身  
對瘦石書還之耳。承諭甚善。如約以俟。諸書  
非吝。亦坐冗不及檢覓。又此酷暑。終日席地  
昏卧耳。早晚當奉鄙稿。在小簿時有別作。時  
時在手。故未能呈教。姑伺臨期。請竄定也。拈  
筆草畧多愧。允明再拜奉復。應齋年兄大人  
先生執事。第六。一幅。縱八寸二分。橫七寸四

分。行草書。昨觀飛卿家書。雖則宋板。缺壞者  
多。其價反高。煩你過去。只說別人要。講定十  
兩之內。方可。若再多。不用他的。轉來就到我  
家。一會。千萬千萬。即日。允明拜懷。德老弟足  
下。今早寧波人送一物甚奇。伺來同享。允明  
再拜。第七。一幅。縱六寸八分。橫六寸九分。行  
草書。承過愛。醉中寫汙卷子。別伺易之。恐諸  
高士見誚也。明日有一小事。欲面議。望枉顧。

幸幸。十六日。允明拜子魚賢甥足下。第八。一  
幅。縱七寸。橫八寸二分。行書。侍生唐寅頓首。  
再拜。餘山大人行臺。舍弟來參。備知起居清  
勝。但未知公務畢期。決在何日。祇恐春來兩  
雪交至。亦可念也。茲有友生盧鈇。因當塘長  
解。夫在彼派為甲長。素是富家子弟。不堪勞  
苦。早晚之間。萬望清目一二。足見執事平日  
見厚區區意。奉去乳餅五斤。所充一茶之用。

相見在通。匆匆不悉。侍生唐寅再拜。鈐印二。  
唐寅私印。文重第九。一幅。縱八寸一分。橫五寸  
九分。行書。別後到家。得彼處情實甚悉。尚未  
回來。須作急打點。達之當事。尋一使人從之。  
以防意外。內寫即唐寅良友。多蒙曾當面說  
過也。蓋彼與我有干涉耳。寺中書恐不能用  
也。諸不一。六月十八日。唐寅再拜。子貞二兄  
即元。



壬三冊。紙本。摺裝十一幅。文徵明。文彭。文嘉。  
尺牘詩札九種。第一。一幅。縱七寸七分。橫八  
寸。行書。向承惠問。再領佳賜。雅意勤倦。足感  
不忘老朽也。人還。草草叙謝。承尊恙未痊。惟  
佳意將節。徵明肅拜。子正賢契。八月十三日。  
第二。一幅。縱八寸三分。橫一尺。行書。承惠佳  
橘。聊呈小詩奉謝。洞庭已別十年霜。橘帖誰  
傳一兩行。却恨未盈三百顆。題詩錯認石軍

王。晚生文徵明頓首拜濟之太史先生執事。  
第三三幅皆縱七寸八分。通橫一尺九寸八  
分。行草書。數日前英山張學諭去便曾附一  
書。不審收得否。爾後兩次得寄與三郎信。悉  
知彼中消息。且場中雖兩不甚寒。得文字了  
當可喜。汝曹但得終場甚幸。若中否自有定  
數。不必介意。聞主司留難諸生。亦是好意思。  
想無間可歸。即遲遲不妨也。我患齒疾。近已平

復又苦瘡腫。近亦漸漸向安。汝母舊疾。時時  
發作。比來半眠半坐。亦無大害也。前書所要  
買書。無閒錢。且不必買罷。適聞石民望明日  
早行。畧寄此信。歸時勿從江行。蓋此時多有  
風信。千萬勿犯此險也。石亭為我上覆。因病  
嬾作書。勿怪勿怪。八月十七日。徵明付壽。鈐  
印一。徵明第四。一幅。縱七寸七分。橫一尺一  
寸一分。行草書。佳篇。索帑。捧讀健美。自顧老

懶加之拙劣。何能追逐後塵耶。早晚竚思。或  
得一二。却當奉荅。子傳儀曹侍史。三月既望。  
來辱之意。使還。先此附覆。草草不宣。徵明再  
拜。第五一幅。縱八寸三分。橫一尺四分。行草  
書。久候過吳時。必得一面。豈意不能暫住。耿  
耿及見謝湖深道高情雅況。嘖嘖不已。方審  
動靜安好。慰慰。適承嘉貺。領次皇汗。賤子不  
久有上海之行。或可一造。以傾心素。人還先

此附復不次。甲辰正月廿七日。彭稽顙王屋  
先生契兄侍史。第六。一幅。縱八寸。橫六寸四  
分。行草書。渴欲一面。而三山研山之招。俱亦  
不偶。下灣之期。果於何日。專遣小童候問。幸  
示知。萬萬。彭頓首。太僕高陽老長兄。第七。一  
幅。縱八寸二分。橫六寸四分。行書。舟人之事。  
能以薄面見恕一二否。伏惟照亮。眷生文彭  
頓首。茸山大總戎老舅先生。第八。一幅。縱七

寸九分。橫八寸四分。行草書。向辱垂示。不勝  
感激。塵事碌碌。未得趨謝。罪何可言。令郎先  
生所委志文。因家君連日有小冗。未得即完。  
來使且暫還宅。俟月初却當專人贐上也。草  
草奉復。不謹。制生文彭稽顙拜。東川判院大  
人先生。九月十日。第九一幅。縱七寸七分。橫  
九寸一分。行草書。李生來得手教。但刷印亦  
易事。此間人自能之。恐不勞遠來也。慎公回

帖雖婉然。吾度其二月書。亦未能了耳。如何。如何。凌氏葬錄中傳公文。吾疑其中數語類百谷。昨問之信然。則弔古戰場文。豈難辨哉。歲殘雖無事。而懷抱殊覺冗冗。昨公瑕來談數刻。頗適。惜其去匆匆。不能盡傾倒。湯賦一詩。錄上請教。餘不宣。嘉頓首復。百谷親家足下。十一月晦日。

謹案張大叅當即張寔。應龍黃雲字。飛卿字。翼字。餘山金和號。子正。陳梧字。濟之。王鑿字。

石亭。陳沂號子傳。陸師道字。謝澍。秉裝號百谷。王樺登號公珉。周天球字俱欣。見前。廷璧沈瑄字瑄常熟人。天順甲申進士官大理評事。元和中疑即趙鏞。良山人。嘉靖癸卯舉人。考允明卒於嘉靖丙戌。此蓋鏞為諸生時耳。高陰太僕即許初。嘗官南太僕寺主簿。東川判院。即王漢官。嘉興通判。改東川軍民府。以上四人俱見蘇州府志。子自。曾大。同字大同。南通州人。歲貢生。官光祿寺署正。見明詩綜。小傳。王星。張之象號之象。字元超。松江人。由國學生官。浙江按察使。知事。見松江府志。尊山大。魏戎。人。見後周天球札。當是朱紉字子純。止。德。十六年進士。歷官右副都御史。巡撫南。郭。嘉靖二十六年倭寇起。改提督浙。防。卑。楊。巡撫浙江。明史有傳。所山致見下冊。



士四冊。紙本十幅。摺裝八幅。第五第六對幅  
裝。王寵尺牘四通。詩一首。俞允文。王守陳道  
復。尺牘五通。第一一幅。縱七寸六分。橫一尺  
一寸一分。行草書。曩辱顧後。又契濶再旬矣。  
承致佳糕。正病夫所宜。甚妙甚妙。食盡還欲  
累君也。一咲。二像從容題上。古人謂佛頭上  
安可著糞。恐鄙言有汙耳。二扇附內。餘不悉。  
寵再拜。石壁老兄先生足下。鈴印二。王履吉。

印。雅宜山人第二。一幅。縱七寸九分。橫八寸六分。行草書。嚮者元墓之行。知臧判官至。不曾來相期。山水佳勝處。每恨吾弟不同遊也。尊事竟何如。承遠惠多品。甚荷多謝。令祖隱君山中風景殊佳。幾時能至耶。懸企懸企。寵頓首。第三。一幅。縱八寸三分。橫九寸五分行草書。遠久馳慕耿耿。承使者觸兩存問。且拜腴。病中飲德屢矣。雅愛何可當之。草草奉

復不盡。寵頓首。石壁尊兄先生執事。勞使一  
錢五分。鈐印一。韓韓齋第四。一幅。縱七寸六  
分。橫九寸六分。行草書。夙有邱壑尚。緬懷鷺  
鶴踪。揚帆忽夭矯。赤水驂虬龍。五湖瀉杯掌。  
三州盪雲胸。金屏匝地軸。玉鏡開天容。秩則  
四瀆亞。浸維百谷宗。丹邱駐日月。瑤草連春  
冬。絳氣恣縈薄。青霞何複重。仙人蛻化處。千  
載空芙蓉。吐哉委腐鼠。絕頂巢孤松。雅宜王

寵書。鈐印三大雅堂。王履吉印。韓韓齋。第五  
一幅。縱八寸三分。橫四寸六分。行草書。畫扇  
即乞付來人。就煩印章。詩句俱要完成。感感。  
令尊許分惠茶葉。此必出君手。望大恢宏量。  
平生人品。全在這遭上見。不要小器耳。寵再  
拜。休承先生。第六一幅。縱八寸五分。橫三寸  
四分。行草書。昨為索書時。已道兄文雅及象  
賢之美。第帋粗索。不稱其書耳。聊以老筆。亦

自可重。隨送備文閣。徐汀洲有帖。多轉致語。  
并上鍾馗題詞。恐不佳。如何。允文頓首。台山  
學士先生文几。馬君寄來虎邱茶樣。乃真品。  
昨舍甥前所示者。特非此也。第少亦不能得  
其味。第七一幅。縱七寸九分。橫八寸。行草書。  
早來赤日中。重勞往復。感荷不可當。舊帽明  
日乞發去。整治。須得就有。方能應急耳。千萬  
用意。扇子定求妙畫奉報。守再拜。事若先生。

第八。一幅縱七寸九分。橫九寸二分。行草書。  
向曾奉候三四度。值君他出。明日陸同年海  
觀。幼子之喪。寄白蓮橋佛菴。僕獨治小舟送  
之。專請同行。幸無却。且君與海觀友善。恐不  
可忽。然也。守頓首。事若高士。初三日巳刻。第  
九。一幅縱八寸三分。橫八寸。行草書。春來陰  
雨。不得一造。快快。舊有逋負。未能即償。媿媿。  
早晚措置來也。幸寬假一二。外拙畫二帋。送

新秀才。聊致期望之意。正廿二日。道復頓首。  
研山老弟足下。餘素第十。一幅。縱七寸四分。  
橫八寸五分。行草書。八房三郎納婦在此。畧  
畧周旋。惜乎不能全備。有同志者。幸原此情。  
茲因馬清送請書。乘便草草。勿罪閒賒。呵呵。  
廿五日。道復頓首。道深四弟仁厚。謹空。

謹案俞允文。字質甫。一字仲蔚。崑山人。郡諸  
生。從文徵明游。見蘇州府志。陸海觀。蓋陸南  
字。南長洲人。與守皆正德己卯舉人。研山。顧  
從義號。從義字汝和。松江人。嘉靖庚戌選瑞

行善書。授中書舍人。歷官大理評事。有研山  
山人詩稿。見松江府志。

壬五冊。紙本。摺裝十幅。夏言。劉麟。張邦奇。王  
世貞。陳鏊。莫如忠。陸師道。王世懋。尺牘九種。  
第一二幅。皆縱八寸一分。通橫一尺六寸二  
分。行草書。遠承惠問。多紉記存。賢昆玉並以  
高才見忌。仕路兩蹶。方深為慨。昨聞司直君  
大變。已自駭惜。更得賢契橫逆之侮。益增振  
腕。何臨事者之過當也。茲字喜疏屬繼菴。此



公忠厚正直。知還珠有日矣。使旋見次草。獲  
餘悉。諸進士令兄能附報不一。桂洲言拜。皇  
甫吏部舊契第二。一幅。縱七寸九分。橫七寸  
八分。行草書。社友本厚。得吾子益厚。漢多功  
臣。何或薦之。留侯又能用老亭長。亭長弗之  
知也。霸徒尚爾。吾道何可以廢切磋。是文會  
可重。讀一菴示書。深有感焉。茲一具覆。第中  
多隱語。蠡測不詳。亮非道外。吾子月會面授。

必得。幸示為慰。眷生劉麟頓首。第三。一幅。縱  
八寸一分。橫一尺一寸一分。行草書。承惠試  
錄。感感。恭診。入覲在即。得叙謝。東河家叔行  
時。曾附啟。冗中值使告還。匆匆炊凍不具。眷  
生張邦奇頓首。鈐印一。常甫。第四。一幅。縱橫  
俱八寸。行草書。城居不堪公私之擾。徙而曠  
野。聊以便嬾耳。唯布衣蔬食。稍與身心便  
益。而鉛槧原稿作盤係多生宿障。尚未淘洗至盡。

如何。今歲駟姪得一舒。而小者尤奕奕足快  
目前。兩兒學未成而頗自好。其見摧挫。蓋造  
物之美意也。渠輩小亦知警。承念深荷。深荷。  
眷生王世貞頓首復第五。一幅縱八寸。橫一  
尺一寸一分。行草書。眷生陳鏊頓首拜大翰  
學少湖尊親家先生門下。歲底蒙厚贖。遠餞。  
未敢言謝。惟銜感萬里而已。別來漫爾南征。  
不意路遠。一至於此。一日一程。直至三月八

日始得到滇。途中勞損。不可形容。所喜平安。足慰至親耳。小女不知能事舅姑否。朝夕懸念。不能相聞。倘有疎失。惟我親家曲為包容。是遠人所望也。歸家人回。僕係初到。不免多故。據案草草通情。殊不成書。惟亮之。鑒再拜具。鈐印一。子兼第六一幅。縱七寸七分。橫三寸九分。行草書。昨知兄請客。不敢強違。今日請府中諸公。望枉駕為我一陪。至囑至囑。元

請定山五芝。皆有他往。千萬體照。年春生陳  
鑒頓首拜。五湖老先生大人年丈門下。第七  
一幅。縱八寸二分。橫四寸八分。行草書。昨進  
拜。不遇。不知文旆已還否。拙稿曾為一弁正  
乎。其中字且多訛。如剽竊之剽等。乞改明。乃  
可就梓。其中語字處。萬一更定。兩家體面也。  
呵呵。王屋契兄先生門下。如忠生頓首。第八  
一幅。縱八寸一分。橫七寸三分。行草書。綠窓

新詒望轉借一觀。向在案諸書。乞先發還。一  
二區區亦時即檢之故耳。千萬千萬。師道拜  
手。罄室契兄。第九。一幅。縱八寸一分。橫七寸  
九分。行草書。春生王世懋頓首拜。日欲奉拜。  
再無頃暇。適至寒舍。已命肩輿矣。又以亟拜。  
陸翰林不果。擬明晨屈尊同華景岳一坐。十  
萬蚤降小圃為望。懋又頓首。

謹案夏言。字公謹。正德丁丑進士。歷官少師  
華蓋殿大學士。諡忠愍。劉麟。字元瑞。本安仁。

人。以武功籍隸南京。宏治丙辰進士。歷官工部尚書。贈太子少保。諡清惠。張邦奇。字常甫。鄞人。宏治乙丑進士。歷官南京吏部尚書。贈太子太保。諡文定。明史俱有傳。莫如忠。字子良。松江華亭人。嘉靖戊戌進士。歷官浙江布政使。明史附董其昌傳。皇甫吏部即皇甫汈。嘗官稽勲郎中。一卷。唐樞。樞字惟中。又字子鎮。歸安人。嘉靖丙戌進士。官刑部主事。湛甘泉弟子。見湖州府志。少湖。徐階。號階字子升。華亭人。嘉靖癸未賜進士第三。歷官吏部尚書。建極殿大學士。贈太師。諡文貞。有少湖集。五湖。陸師道號。

士六冊。紙本。摺裝九幅。蔡羽詩札。王穀祥。皇甫淳。皇甫汈。朱曰藩。陸治。尺牘六種。第一。二。

幅皆縱七寸二分。通橫一尺三寸八分。行書。  
秋夕。萬山孤笛夜。新酒入杯寬。白髮愁勾引。  
青燈醉倚看。蛩聲出砌早。秋月落谿寒。四海  
一茆屋。無人語肺肝。道院天涼吏不至。半日  
松逕深。修竹罵無數。蒼梧煙十尋。秋光道院  
早。雲氣午時陰。面面相窗綠。然香凝客心。羽  
草拜飯苓先生。第二一幅。縱七寸八分。橫五  
寸七分。行草書。敝衣倘能發還。極感極感。如



必欲穿往崑山。亦不敢強阻。足下十七日若未歸。幸先付子美帶還。非僕量小。蓋途中之用。須一綿一夾。方為便耳。乞鑒此情。勿誤勿誤。絨衣之報。決不敢負。文栗之立。豈得視為故紙耶。放心放心。衡山畫千萬留意。如君所惠也。陳子齡人事發至。僕當帶去書厨。逕令家人送至宅上也。墓志事。幸撥忙為之。須付子美。或子善還過謝雲莊。更乞數字見報。夜

來承厚貺。多謝多謝。石亭契兄先生。穀祥頓首。第三。二幅。皆縱八寸一分。通橫一尺一寸九分。行草書。向承雅愛。有拂高懷。方以為愧。昨者又勤嘉貺。登領祇益愧耳。虛巖子。生實無一言。特向來締好之深。故近日責望之切。奈何其自生疑外。以起物議。此亦可痛恨事也。見間為道鄙情。萬萬外早間所卜者。敢求一觀。惟留意細示之。荷荷。侍生皇甫濬頓首。

拜五峯先生契長。第四一幅。縱八寸一分。橫九寸五分。行草書。承雅情。腆貺。拜命感戢。此行正擬探歷東南山水嘉勝耳。若止奔走簿書。大非素心也。拙作少閒。即當呈覽。教葉君華札。至日遣致不誤也。草草附謝。即日。沅生再頓首。大台望陽湖老先生大人親丈門下。慎餘第五一幅。縱八寸三分。橫九寸八分。行楷書。友弟朱曰藩頓首。西樓尊先生執事。都

下之別。倏忽踰歲。元陰肅厲。復逼殘臘。塞瑾  
端居。恨恨無聊。懷我故舊。神馳千里。忽拜手  
教。恍如面談。勗以丹青之期。鞭以驂騑之策。  
情至詞懇。友義切劘。當於古人中求之。藩之  
劣。何以得此於執事哉。益思奮刷毛羽。排風  
而進。無負於知己耳。眷戀之私。惛塞胷臆。莫  
可紀述。如何如何。畧而不言。迺甚於言也。伏  
惟神照不宣。十一月廿一日。藩頓首再拜。第

六。一幅。縱八寸。橫八寸二分。行楷書。侍生陸  
治頓首。復慎餘尊丈先生大人愛下。歸山正  
念驟別。有小東令舍姪上啟。想未達左右也。  
適拜雲教。及領雲浦先生示教諸稿。不及讀。  
而使者求去甚急。不敢復相見。幸道謝。姑俟  
捧誦後。得觀武庫。乃可報琳琅也。草草不盡。  
治再拜。第七。一幅。縱七寸六分。橫八寸一分。  
行草書。悶懷甚。欲得故人相對。明日有俗冗。

四日懸望。昨兒輩來。未道文宗即臨。縱有之。  
亦水上瓢耳。吾不欲聞之矣。府公雖相識。亦  
未為相知。彼必無所為。諸惟面晤乃盡。即日。  
小弟治頓首拜復五橋尊契文先生大人愛  
下。

謹案飯苓見歸有光震川集云。劉遜之父水  
部。由進士為主事。領漕。居濟上。正德初歸田。  
自號飯苓子。攷蘇州志。劉布字時服。宏治壬  
戌進士。授工部主事。當即其人。子善。沈紹慶  
字。紹慶。崑山人。嘉靖庚戌進士。歷官雲南提  
學。子美。疑即其兄弟也。虛巖子。周詩號。詩字

以言。崑山人。與皇甫湜兄弟友。有虛巖集。以上二人。見蘇州府志。西樓。鄧原岳號。原岳字汝高。閬縣人。萬應士辰進士。歷官湖廣按察副使。有西樓存稿。見明詩綜小傳。慎餘。當即李昭祥。字元輅。上海人。嘉靖丁未進士。歷官南京工部郎中。有慎餘集。雲浦。盛時泰號。時泰字仲交。金陵人。行書學米蘇。絕妙。見詹氏小辨。五橋亦文氏。未知何人。

士七冊。紙本。十一幅。摺裝。九幅。第三第四對幅。裝張鳳翼。都穆。王穉登。周光。許初。袁尊尼。尺牘共十一種。第一一幅。縱七寸八分。橫八寸一分。行草書。久坐塵冗。且為心事不寧所

困遂不得一晤。悵悵。曩所諭瑞應圖出處。不知在何書。幸借下一觀。圖繪寶鑑。并望見借。一二日奉納。鳳翼頓首。罄室老先生契丈侍史。第二一幅。縱七寸九分。橫五寸三分。行草書。匆匆不得以杯酒相祖。甚愧。文選一部。用為場後易書之需。且以選郎相期耳。毋謂貧叔作秀才人情也。鳳翼肅拜。太液大姪聯元。第三一幅。縱六寸七分。橫三寸二分。行草書。



久不晤對。懷想扇卷題上。嘉惠領謝。鳳翼頓首。第四一幅。縱六寸七分。橫三寸二分。行草書。秋氣甚肅。老人不能夜坐。敢煩早過荒齋。以罄濶踪。足紉愛厚。雲濤兄乞同至。更感。眷生。穆頓首。龍文賢甥至親。第五一幅。縱七寸三分。橫五寸二分。行書。適辱垂顧。兼以厚贐。如數拜領。執事愛穆。至於如此。何感如之。何感如之。使還。先此申意。容俟謁謝。不宣。治生。

都穆再拜祖父母老大人先生台坐前董空  
第六。一幅。縱七寸八分。橫九寸二分。楷書。老  
賤之人。經歲杜門。坐是失候。起屈心則日馳  
左右也。敬上高郵五加皮酒一樽。此酒補陰  
燥濕。敢以為獻。外紙一幅。乞王勾洞篆書三  
字。扇二握。隨意大書。即欲寄遠。伏望蚤賜。至  
感。甥孫黃姬水頓首百拜。啟酉室舅翁大人  
台座下。第七。一幅。縱八寸四分。橫六寸四分。

行草書。周田公畫書。併泰峯扇奉上。送畫時  
併扇致之。萬萬外。餞行分金一封。順便送。切  
海。何如。壽軸並納。姬水頓首。罄室老兄先生。  
第八一幅。縱六寸七分。橫五寸二分。行書。別  
久傾佇。比過溪上。恐溷乃公。不敢造請。託叅  
軍公一布其悃。齋居嘿坐。不勝停雲之想。忽  
損芳訊。風旨殷勤。而又筐篚纍纍。惠及口腹。  
得無過情也耶。祇領慚悚。漸寒。文候安和。伏

惟自愛。廿三日。穉登頓首再拜。鈐印一。穉登  
第九。一幅。縱橫俱八寸三分。行草書。承寵召  
領命。扇為轉索春帖并書上。幸賜入。屢辱賢  
橋梓照顧。奈命不濟。不可隱諸人人也。素扇  
當檢書。俟來領。盛筵當奉上耳。欲便書上。控  
愆不能故也。即日。周光頓首復慎。餘老兄先  
生大人侍史。第十。一幅。縱八寸。橫七寸五分。  
行草書。前日偶往部前。知兄至而亟歸。則不

及會。快快耳。聞尊體小有違和。未得面候。却承寶帶枉賜。此何敢當。感愧感愧。暫領下容報。以拜賜也。春寒栗然。是祈珍攝。萬萬餘面謝。初弟頓首。三橋大哥。老先生稱呼太早。乞姑徐徐為愛。呵呵。厥衛擅敝高士方巾。可惡之甚。誠所謂生旦戲文矣。第十一幅。縱八寸三分。橫五寸七分。行草書。日來多冗。失於通候。尊體比想勿藥矣。薄具豕蹄二件。鴨雛

二冠少將芹敬惟鑒存幸幸不日容走見不  
悉尊尼頓首白罄室尊丈先生高尚侍史八  
月廿五日

謹案營室錢穀號西室王穀祥號幼海周天  
球號三橋文彭號袁尊尼字魯望長洲人袁  
子嘉靖乙丑進士歷官山東提學副使致見  
續編

壬八冊紙本摺裝七幅彭年尺牘六種第一  
一幅縱八寸橫八寸七分行草書聞玉體不  
安想遂勿藥矣此時乍冷乍熱惟倍加保攝

以助進修。幸甚。恐勞送迎。不敢走見。惟亮恕。  
十萬年頓首再拜。仲舉老弟茂才。前日偶檢  
漢書郊祀志。見有海中仙山曰壺梁者。甚新  
奇。可以為號。曾與令兄說不。第二一幅。縱八  
寸三分。橫一尺一寸一分。行草書。病居不出。  
不知兄有毘陵之行。昨桐山翁枉顧。始談及  
王公相待之厚。適覽佳作。妙甚。真足以酬賓  
主之盛禮也。敬服敬服。長歌激烈感慨。曲盡

時態而壬戌之秋七月既望周事精切此後  
更六十年乃可再用耳奇作奇作旦晚稍健  
容面謝即日彭年頓首再捐字拜壺梁先生道  
契兄吟几冊葉詩即當賦第三一幅縱七寸  
八分橫八寸八分行草書普門品承借甚感  
寫畢送納也釘書施先生欲借區區東方先  
生帖一對幸檢出就在上房壽寧退居堂對  
之甚妙帖還留執事處執事倘看畢遣人持



還區區庶不誤耳。何日有暇過我一茶為愛。  
年頓首。冰壺上人吟几。第四二幅。皆縱七寸  
六分。通橫一尺四寸二分。行草書。比日病瀉。  
兼以童子有疾。不能請問。列位鄉先生進本  
事。竟何如。聞郭釵泉見松江百姓有本。久候  
吾蘇者不至。遂令運白糧。糧長等進本矣。惟  
少四府鄉官者。頗聞諸公打遲局。奈何奈何。  
吾兄之心想天地日月鬼神鑒之耳。蘇俗大

率怕幹好事。以此觀之。則宸濠之變。與陽明  
有何干預。却乃不憶故事。而為此饒舌耶。可  
歎可笑。宅上使者空閒。乞作數字見報。明日  
赴三橋之席否。并希示及。餘面謝。十八日。彭  
年頓首再拜。石屋長兄先生侍史。第五。一幅  
縱七寸九分。橫七寸三分。行書。即刻。屈過半  
舫齋。同墨林兄一坐。幸早命駕為愛。乏人再  
三。并希情照。千萬。十二日。彭年頓首。文水長

兄先生侍史第六。一幅。縱八寸。橫五寸九分。  
行草書。冊葉幸先奉酉室。求篆白嶽二大字。  
次送百泉寫佳作後。吾輩次第書之。可早晚  
完也。非敢推避。實當見居難者耳。不罪不罪。  
即日。彭年頓首再拜。

謹案仲舉張獻翼字壺梁乃其自號。墨林項  
元汴號文水。文嘉號百泉。皇甫統。

收傳印記卧菴

一冊五幅。卷字存半。三冊一  
幅。六冊五幅。七冊二幅。各一

印。卧菴所藏

三冊九幅。六冊四幅。  
八冊三幅。各一印。

吳景旭印。

仁山鑒定。四冊一幅邵弥。僧弥。吳下阿弥。四冊一幅尚

友齋。四冊九幅臧廷鑑印。受激。二印俱重一清容館。五冊

四幅

癸一冊。紙本。摺裝。十一幅。莫如忠。莫是龍。尺牘三種。第一兩幅。皆縱七寸五分。通橫一尺三寸。行書。嚴冬索居。忽承使問。遠臨。無任感戢。先此會婺源方山人。尋南得訊起居。正擬遣人馳候。而來命綢疊。將圖報之。不給。奈何。

奈何。聞春初有過松之約。益用私喜。倘能果  
此。日倚俟之。幸慰饑渴。使還呵凍。先此謝。貺  
不及盡所云。伏惟台鑒。外菲儀四事。聊附遠  
忱。敬具別楮。仲冬廿六日。生如忠頓首。左沖。  
鈐印一。莫如忠。第二。八幅。皆縱五寸六分。通  
橫六尺五分。行草書。一遊齊雲。歸興翩然。不  
能止。獨恨不得與吾二三兄弟。為物外烟霞  
之盟。覺山靈笑人耳。頃即欲東發。早復為令。

君所留。因覽過聖卿兩日。且返城下。令人偵  
司馬公在家。與仲淹嘉一語便知矣。足下在  
病中。乃能念我。莫生無枚生著發之才。既復  
不得令病者有起色。恐相見作劇反苦足下。  
奈何。此盟恐不能赴。來扇當在聖卿家為之。  
不負也。聞仲淹亦病。何雲卿淺緣若此。即欲  
遣一語相聞。而去住匆匆。未能也。足下相去  
不數舍。且為我一致意。尋當自報。不具。友弟

莫雲卿頓首頓首。敬復子虛病叟社丈足下。  
十七日臨發草草。無圖書。亦無倫脊。可笑。第  
三一幅。縱五寸七分。橫六寸八分。行草書。昨  
遣字及致尊筵。而公適他出。遂復將還。今再  
往。再期卜夜之談。廿九日雲卿頓首。仲璣詞  
伯世兄無印。

謹案司馬公謂汪道昆。仲淹。汪道貫字。仲壽。  
汪道會字。皆道昆弟。嘉上少一仲字。疑偶脫。  
耳。齊雲山在新安。道昆新安人也。萬歷初以  
兵部侍郎乞養歸。又其史會要云。聞人益字。

仲璣餘姚人。山水筆法。瀟灑無俗氣。出處未詳。不審即此仲璣否。

癸二冊。紙本。十五幅。第一至第四第十。摺裝。餘對幅裝。周天球尺牘三通。王達書。李白文一篇。尺牘三通。共七種。第一。一幅。縱八寸一分。橫六寸七分。行草書。小兒承念甚篤。所急稍寧而已。若說減一分也。未也。弟亦付之。無可奈何。正好打點了。年前逋負耳。所諭分予。初五。六。七。八。四日。一祝山鄰。八十二日。送。



殯。末日做會。若在初十甚妙。弟明日入山。初  
八早回也。乞寬之。山茶白練。若造一言納上。  
卷先奉政。恐一時題誤。有罪有罪。球弟頓首。  
凌虛老兄先生尊親家翁門下。無印。第二。一  
幅。縱八寸六分。橫九寸六分。行草書。明日廷  
試。只消信筆為之。便可高等。十分用心無益  
也。其所甚重者。在作字端楷。且不可太細。必  
如黃庭本大。方中式。此有妙機。惟區區知之。

頭篇須用心字上。千萬痢已平。目青無妨。數  
千里客處。全要寬心。若瑣瑣自感。便是病矣。  
恃愛願告。球頓首。南明老兄先生。無印。第三  
二幅。每幅縱八寸二分。橫各六寸八分。行書。  
侍弟周天球。力疾頓首。頓首。茸山老兄先生。  
大人幕府。奉別。忽忽經歲。恭聞道履多勝。清  
譽日溢。欣慰欣慰。第握兵扼江海之衝。大是  
要地。未免日夕勞神耳。想大拜不遐。故人懸

望當不虛也。弟自秋南歸。便得奇疾。四體委頓。毒痛萬狀。出一生於九死。近方起坐。尚未得舉動復常。時事如此。世情如此。別來之況。兄可遙度矣。無足述也。茲有弊友同邱費先生行便。附此申候。新春多祉。尚冀珍重。弟疾全賴同邱醫治而得生。此公高雅。面接當知之。因失物事。係尊轄。奉煩清理。萬惟推愛。為弟介意。均感盛惠。不淺也。力疾草草奉瀆。幸

亮之。新正二日。球再拜具啟。鈐印二周。天球  
第四。二幅。每幅縱五寸四分。橫四寸五分。行  
書。伏惟閣下。以周呂重望。為國屏藩。德威所  
及。佇見弭首竄伏。奚煩麾下之斧鉞哉。但敵  
性素狡。要當鎮靜以守之。兵法所謂先為不  
可勝。以待敵之可勝是也。外承寵錫。實愧多  
珍。附去土物八種。聊表敬意。邊地苦寒。臨楮  
馳神之至。仲冬廿八日。王達頓首覆。無印。第

五四幅。皆縱七寸七分。通橫一尺三寸六分。  
草書。老台臺一代偉人。兩間名世。神膏廣被。  
潤如玉露之滋生。智鑑高懸。皎若銀輪之澈。  
照合時而茂德。益顯嘉猷。匹日以延禧。佇來  
新眷。節候屆長天秋水。物華開桂馥蓮香。律  
調南呂。望舒騰玉兔之輝。斗指西杓。曜魄掣  
金蛇之影。古人同此月。方期晉賀光華。今夕  
是何年。翻辱垂注葑菲。數行佩德。九頓銘心。

藉壁珎貺。統希台。焘謹復。弟王達頓首頓首。  
無印。第六。一幅。縱六寸九分。橫一尺八分。草  
書。李白春夜宴桃李園序。全文不錄。款。太原王達  
書。無印。第七。四幅。每幅縱八寸三分。橫二寸  
五分。草書。竊以暇日良辰。不乏登臨之信。歡  
遊雅集。每深憑眺之情。觀邱壑而忘歸。高情  
輒寄。攬烟霞而直上。逸思逾飛。況乎杖策探  
奇。極目名山之至麗。停驂撫景。展懷古剎之

崢嶸。茲者幸屬子翁先生大教。願奉後塵。贊  
俚言於卷末。豈同恭子之風。脫一疏短引於  
篇端。深愧野王之翰墨。登高動咏。每臨楮而  
慚惶。望遠陳詞。冀口毫以盡意云爾。十月二  
日。王達頓首頓首上子翁先生執事。學翁先  
生同此。餘素無印。

癸三冊。紙本。摺裝九幅。王錫爵。王思任。錢士  
升。劉曜。尺牘共六種。第一。三幅。皆縱七寸。通

橫一尺九寸四分。行書齋奏人來。曾有書奉謝達否。近來起居何如。榮陞不知有消息否。不肖歸後。只數日之內。老母病勢稍緩。今復進退可憂。賤軀又苦瘧痢。經月未愈。本意待兩奴歸。再上乞休本。奈病親見限期日迫。時刻不安。只得那前半月。就留兩奴在京。接上此本。而後歸。今寄稿金壇龔公使者。又恐伊使不認得兩奴。無處尋覓。今指引轉送兄處。



可自呼兩奴付之。萬一兩奴先歸。可付杜長班。令其將本稿及書。照票分送。其上本之日。務在九月盡十月初。不可遲了。若各爺問如何無家人上本。當從實對答。因傳信人遲誤。王勉未聞信之前。先歸。以此只得從權。其寫本使費。兄可應之。開帳補還。千萬莫誤。其餘不悉。九月三日。錫爵頓首。三盧世兄先生侍者。送書當扯去傍邊小票。書到之日。若兩奴

在京可徑付之。若兩奴不在京。僕已託張融  
字代送閣下書。其司禮監書見有小二家人  
可託之代送。不必差杜長班矣。杜長班只委  
口尋人寫本。及送通政司口口也。無印。第二  
一幅縱八寸。橫七寸八分。行草書。通家侍生  
王錫爵頓首拜。流言洶洶。辱公遠念。深荷深  
荷。適聞臺中又有疏。其詞愈峻。而內批愈緩。  
面壁道人。落得將魔鍊心耳。靈巖兄密劄。謹

與兒子披覽一過。有便煩為我道謝。通家相  
為之情。韜晦一說。甚合鄙意。昨所以力止諸  
兄。朔望來謁者。為此也。適具小揭送政府。想  
公論自定。毋勞深慮。輒此附謝。不一。一。初  
十日生錫爵再頓首。無印。第三。一幅。縱八寸  
一分。橫六寸八分。行書。重陽准望一見。又復  
不偶。但劇思企也。犬馬病。入此月中。方漸有  
起色。伏陳遠問。更荷多儀。感愧。感愧。昨齋花

小奴無勞而受重賞。尤所不安。使旋輒此謝。諸不具。不肖錫爵再稽顙。復左冲。無印。第四一幅。縱九寸。橫六寸四分。行書。僕已量移國子。當北行。今過蘇。謝諸大吏。澄江還日。當入城晤兄也。兄能與僕俱詣帝所乎。當表兄為討口大將軍。斷不生申及甫也。口仁一兄。王思任頓首。無印。第五。一幅。縱七寸八分。橫七寸三分。行書。昨因給散會銀之日。有施乞例。

故以米一升給之。今日即止。如欲更賑。乞須  
兩日前出示於城外寺中散之。一日而畢。則  
自無意外難測之事矣。然賑事尚未有期。若  
上宅已賑過三百餘人。或可不須再舉也。奉  
復不盡。弟士升再頓首。沖第六二幅。皆縱六  
寸八分。橫七寸五分。行書。速次得翰教。不覺  
喜動顏色。蓋天涯孤客。得故人一字。真抵千  
金也。所諭郭君。近察其新政。已勃然有聲。終

當不負雅意。至謂弟想馬關心之句。亦人情  
不容已者。吾兄鸚鵡逸情。尚知人有此念耶。  
古人推心置腹。殆兄之謂矣。俚句奉酬。愧不  
足以荅金玉。用發一笑云爾。外承賜文字。甚  
佳。第重一紙。致不得為全文。謹寄還。幸便中  
查易末幅。以補其缺可也。餘不盡。後錄俚句。  
憶昔都門分客裾。年來頓覺好音疎。每從華  
岳瞻雙綬。忽自青雲惠尺書。筆底龍蛇知政

暇。樽前鸚鵡羨公餘。看君超足空全晉。競爽  
慚余負令譽。途中扇不便。外閒作八首。極知  
鄙俚。恃愛并錄請教。仲冬念二日。窗第燿頓  
首。冲。鈐印二。甫。印。半文明甫。

謹案王思任。字季重。山陰人。萬曆乙未進士。  
應官江西。會事明亡。棄家入秦。望山卒。見紹  
興府志。錢士升。字抑之。嘉善人。萬曆丙辰。賜  
進士第一。授修撰。應官禮部尚書。東閣大學  
士。見嘉禾獻徵錄。燿不著姓。原登題作劉燿。  
未知何據。

癸四冊。紙本。十六幅。對幅裝十五幅。末幅摺

裝。董其昌書。尺牘四通。東方朔像。替二種。第一。六幅。皆縱七寸。橫三寸。行書。弟昌。昨年自高密移朝歌。復自朝歌移宛洛。洛中新藩所駐。弟以曾叨東朝舊講。不便與之周旋。中州撫臺。為弟代疏乞身。如釋重負矣。出春明十六年。十九在家。居家又十九在山。詩文書畫之外。別無所事。而里中兒。猶有耽耽者。貴鄉張侍御。今將按江南。知是年兄相知。幸為道。



弟本色。感感。茲因吳興馬文學。有省觀之便。附布區區。諸侯年兄。賜環。專人馳賀。馬君高才。其乃翁為貴州刺史。極頌名德。極感洪庇也。併祈推愛。不一。九月晦。弟名正肅。左沖。鈐印一。其昌。第二。二幅。皆縱七寸七分。橫二寸四分。楷書。東方朔像贊。見先生之遺像。逍遙城郭。覩先生之祠宇。慨然有懷。乃作頌焉。其詞曰。

以上二十七字應  
在徘徊路寢之下變棄世登仙神友造

化靈為星辰。此又奇怪恍惚。不可備論者也。  
大人來守此國。僕自京都言歸定省。覩先生  
之縣邑。想先生之高風。徘徊路寢。各幅鈐印  
一冰壺。第三四幅。皆縱七寸。橫二寸九分。行  
書。小兒和道出中州。止求出疆之導。何敢念  
及干澤也。乃聞仁丈過愛。從史尊公。解衣推  
食。為之資斧。此義驅今古矣。不佞昌雖感慕  
五中。然老病歸人。徒餐不報之惠。可深慚惶。

令親來承示明歲國學事。初疑鄉場不分南北。而北監每為南人多占名額。則不如本省之差易。既念仁丈高才。若脫去黉門羈絆。畢力大業。掇科亦自容易。則援納公費。正不必惜。第明年正二月。專待速來。不佞猶在事。可免吏胥惡套滯留也。諸不具名具正幅。左沖鈐印一。其昌。第四。三幅。皆縱七寸。橫三寸。行書。犬子祖和歸。取道中州。則瞻望蓮幕幸矣。

弟昌隨得誦進寶璽之疏。老年久不以誦而  
以規。蓋都下碩士。嘖嘖稱賞。謂勝寶鼎歌也。  
而是時會推大僚。不復先吉水言者。方以為  
欠事。乃大疏首舉吉水。公論大愜。書曰。雖身  
在外。乃心罔不在王室。信哉。九品之衡。非久  
當入秉之耳。十月八日。弟昌頓首。左沖。鈐印  
一。其昌第五。一幅。縱七寸二分。橫八寸。行書。  
汝母聞又欲以二十邊歸松。看視病母。又多

一番動作。而道路荒索。一走動多險多費。為  
此遣人來力止之。聞道翁已到蘇。甚慰吾望。  
又聞汝欲往茅山。亦非時候。待我月內到蘇。  
商度。方行可也。十五日父字源兒無印。

謹案其昌以湖廣提學副使致仕。復起登萊  
兵備。河南參政。皆不赴。故有自高家移朝歌。  
自朝歌移宛洛。及代疏乞身之語。第三札乃  
其為祭酒時也。祖和祖源。皆其昌子。祖和以  
父蔭官都察院經歷。見松江府志。吉水當謂  
鄒元標字爾瞻。吉水人。萬歷丁丑進士。歷官  
左都御史。贈太子太保。諡忠介。嘗與副都御  
史馮從吾講學。首善書院。學者稱南皋先生。

從吾。其昌同年也。

癸五冊。紙本。摺裝七幅。董其昌尺牘共五種。第一。一幅半。縱六寸八分。通橫一尺四分。行書。陸伯生歸得手教。兼詢起居為慰。每讀邸報。刻章知翁兄聲實益毫矣。弟林居頗適。放情遺世。殆所謂選肥者。他無足為兄道也。敝門生孫貢生。是弟二十年石交也。其才與其行相副。涇陽兄弟所重之於師友間者。今年

以貧不能束裝。故徂暑始發。有為求應副於  
劉總漕者。不知可得否。倘不可得。兄幸推愛。  
以三馬四夫送之長安。或兄所轄內道之出  
疆。此君今秋有所自樹。皆兄之賜也。路君尚  
善飯否。汶上令曾為第一言及之否。諸不具。  
六月朔日。弟名正具。左沖鈐印一。其昌第二。  
一幅半。縱六寸八分。通橫一尺四分。行書。得  
脫畏途。灑然樂矣。而泉源大涸。日不能行數

里。自清源至濟上。幾及兩畝。豈濟河侯兄來。  
乃出泉脉耶。弟有老友汶上路太守。蓋吾松  
舊太守路司寇公之子。又弟庾戌年家。昔年  
於南都交最善。其人又名德古君子也。家有  
園林。珍花奇石。多蓄名醞。諸公行部過汶上  
者。以其家為鄭莊驛。兄幸推愛。此公無求於  
平原君。顧林泉寂寞。賴長者車馬過從。榮及  
蓬蒿矣。弟曾為兗州守。陳年兄揚之。幸兄留



意其家露酒麴於秋七月成。成則欲寄弟。已命一便役覓寄。尤感尤感。諸侯前途面悉。不一。弟名正具左。沖鈴印一。其昌第三兩幅。皆縱六寸八分。橫七寸一分。行書。自兄在河渠。弟所辱兄出疆之導者。凡六次。所當頻年分俸者。無算矣。而弟未嘗得効齒牙之力。以為負負。兄今歸。晝意須首夏往楚中。竊計總河公必不沒兄之勞績。而此間人亦多為兄不

平。京察以後。或尚有近地上游轉擢者。弟當  
中心藏之。不敢忘也。四十專城。古人所艷稱。  
况兄未四十。而建牙千里。黃金橫帶。黑頭公。  
豈足論耶。老師䟽事。當不復及。此定無益者。  
惟靜以俟之。局面漸更。公道漸白。今已有十  
之四五矣。寧當先自傷之耶。趨庭議論。幸惟  
留意也。弟邇來頗有書興。已將文選短賦各  
書一通。又寫法華已得一卷。此外無足為兄

道者。此間京察事。多有橫議。聞部中以堂論  
為主。而工曹所屬意者。在舊時人。及一二鄉  
科。不知竟何如也。館中波及十餘。殊為可訝。  
弟幸未見及。能瓦全則兄意愜矣。別諭感刻。  
謝謝弟名正具鈐印一其昌第四。一幅縱六  
寸八分。橫四寸二分。行書十三省錄。至今未  
齊。齊即奉寄也。弟有隸人錢應明。頗有孝行。  
頃蔣年丈在闕。為弟收用。今復致之林公。已

留矣。恐其同輩擠之。倘見林公。幸為一言。此人得每日餬口數文錢。以供其父母。要皆兄陰德也。不一。弟名正具左。沖無印。第五。一幅。縱七寸四分。橫六寸五分。行書。尊人到都下時。欲作一字寄訊。適有小冗。卒卒忘之。殊為可笑。吾輩相知。或不以為疎數耳。兄比況想佳。到監後。凡試想都得意。客中亦頗覓得意氣之友。及異書奇文否。場事漸近。望兄專精。

神以圖大捷。弟荒蕪三載。志念已灰。而家貧  
親老。未免尚戀鷄肋。幸近日賤體漸強。頗健  
飲啖。差足慰無款印。案此札不全。

謹案伯生陸應陽字涇陽兄弟。謂顯憲成允  
成也。憲成字叔時。無錫人。萬曆庚戌進士。歷  
官光祿少卿。贈吏部侍郎。謚端文。與高攀龍  
輩講學東林書院。學者稱涇陽先生。允成字  
季時。萬曆丙辰進士。官禮部主事。贈尚書司  
丞。路司寇。名迎。字育陽。汶上人。正德戊辰進  
士。以刑部郎知松江府。累官尚書。見松江府  
志。其子楷。嘉靖庚戌進士。其昌族人。傳策同  
年也。

癸六冊。紙本。十三幅。摺裝。十一幅。第十。第十  
一。對幅裝。陳繼儒。李流芳。宋珏。居節。吳世偉。  
王鐸。王延世。尺牘共八種。第一。四幅。皆縱七  
寸五分。通橫二尺五寸五分。行草書。今年物  
價翔踴。而米尤甚。即三十六年人情。未必張  
皇至此。而目前愈平。則愈不肯出。愈搶則愈  
不肯平。弟以為大出告示。禁搶第一。聽糶次  
之。此近憂亦遠慮也。大約一縣之中。租戶居

其七。經營生理者。居其二之半。其遊手者。僅止一分耳。今若有田之家。各家照顧租戶。每畝借米五升。種田十畝者。便可得五斗矣。每畝平糶百錢一斗。種田十畝者。可得二百錢矣。租戶既去七分。則經營生理者。尚可支持。但若為城中百姓計。而不為鄉中百姓計。則鄉人有立槁耳。況有田之家。每年借工本。及冬還工本。舊有常規。原非創典。今不過平糶。

之恩。又加於工本之外。此曹歲豐。則升斗不  
饒。米貴。則顆粒不應。非所以待務本力穡之  
人。亦非田主培養佃戶之家法也。第人情有  
忍。有不忍。有肯。有不肯。有有餘。有不足。必得  
府縣明示明文。則佃戶可以詣門求貸。田主  
可以多方緩急。所借工本。即於取租時先叩  
還本家。不還者。聽告追治。此亦法之可行者  
也。別有顧氏義田。四千膏腴。專為救荒而設。



每年除糧外。以千兩貯庫。今三十八年後。約有萬金。正可糴白赤一萬二千。以為燃眉之助。第未知前官用去否。後官精明。尚可查出否。乞吾丈先問之該房。此項作何下落。可以請問之章父母否。此係顧氏惠行所成。又億萬娃性命所繫。幸與章侯密圖之。如礙前官。徒增話柄。則又不可不慎也。承仁兄下問。真有視民如傷之意。此等念頭。上通於天。可敬。

可服。故細查號數送覽。若要刻本。弟當送上。不然與顧氏索取一部詳覽。拈出商量。何如。若鄉紳平糶。此則看好義者如何。弟不敢與聞也。病次草草。機老尊丈教下。弟儒頓首。如有田無米可糶者。每斗帖錢二十文。即是平糶之變化。亦人情彼此甚便。蓋皆救佃戶之一法也。無印。第二。一幅縱七寸五分。橫六寸一分。行草書。故人遠念耳。夷仲寓相近否。亦

常常得握手否。匆遽不能別作字。且欲言者。大都以望兄者望之。煩見時為出此示之。弟八月初北上。無由一別。長安市上。可以黃酒相遲也。舍姪輩到都。附此訊。不具。弟流芳頓首。伯瞻仁兄同調。六月廿五日。

按此札前有缺字。

第

三。一幅縱九寸。橫六寸八分。草書。早得聆珠玉之誨。深慰濶懷。第恨未能稍淹留也。承中州之行。賢主佳賓。朝夕相對。自是丈夫勝遊。

擬作小詩奉送。又以久失聲律之戒。不能即  
破。偶在浙中。求得薛宗伯扇頭一律。并峴茶  
一簍。附上舟中無聊。以驅蚊解渴可也。握口  
何日。臨穎悵惘。諸惟慈照不盡。小弟珏頓首。  
性之仁契丈先生大人。無印。第四。一幅。縱八  
寸三分。橫一尺一寸二分。行書。童子歸得嘉  
報。欣慰。承太元雅愛。不告上司。縣家既已前  
行。奈何。陳氏無禮殊甚。固已無辭可追。但元

搢仁雅兄所悉者。俗所謂打狗看主面。得賜  
幘幪。彼此感藏何似。如必要盡情施行。吾輩  
亦少光矣。渠雖不信鄙言。是鹵莽人耳。望兄  
不鹵莽待弟。其間事情。一憑尊處。千萬周全  
為美。當與少泉元搢詣謝也。專為此事遣人  
奉懇。幸勿視為泛常。至囑至囑。鵠伺嘉信。眷  
弟節頓首奉懇。少白親丈先生教下。十九日。  
鈐印一。士貞甫。第五二幅。皆縱七寸六分。橫

六寸二分。行書。弟自去秋至今。衰病杜門。聞以事出。必迫於萬不得已。昨先以書聞。又親叩門屏者。為季木先生存亡之誼。不得不爾。承諭所托姓名。另開一紙。總為藐孤名與仁者。受族貴所凌。須地方仁人。與敝座師有生平者。稍加存卹。人或相安無事。亦不可知。餘開後。諸君皆至親。卵翼亦無一事相煩也。明日又有萬不獲小出。恐便道見過。有失面晤。

將一片熱腸。無可訴控。特此奉達。捧讀尊刻。  
禦寇籌畧。快心沉慮。令人悚然躍然。東省借。  
重。庶乎有瘳。獨奈桑梓何也。期弟世偉頓首。  
十八日。沖鈴印一。世偉第六。二幅。皆縱七寸。  
五分。橫三寸三分。楷書。天眷國家。簡在老先。  
生。中興是望。天下之福也。欣忭之極。賜銀卮。  
盞。戴華霍。謹此頌謝。鐸將來南司成一轉。得。  
以讀書。伏懇老先生留神陶鑄之。感刻內結。

臨行不敢多宣。十五日辰時。年侍生王鐸頓首。手啟。后慎。鈐印一。王鐸之印。第七。一幅。縱六寸。橫八寸。行書。僕曩屢承足下。手教相招也。今僕十餘役。皆困餒。數貸不贍。僕開春便理歸裝。家中督耕南山耳。室謫之篇。詠之悵然。王鐸拜復。冲。另一祕商。為足下謀。竢再吐。茲無贅。無印。第八。一幅。縱六寸七分。橫九寸。行書。昨辱清惠。足厭饒饗。感謝感謝。前佳句。



之教以病起不暢。無一清思。雖成和篇。殊無  
陋不足步後塵也。勉錄呈覽。得勿笑思。延才  
盡乎。苦雨傷稻。懷抱作惡。晴明定造竹間求  
手談。若丈所輸東道。則不敢言耳。呵呵。諸不  
多及。以口老先生文宗至契。社弟延世頓首。  
鈐印一。王延世印。

謹案王延世。字思延。見續編。爵里未詳。機老  
當即鐵龍錫。字稚文。號機山。華亭人。萬歷丁  
未進士。歷官太子太保。東閣大學士。明史有  
傳。顧氏濟荒田。版於顧正心。詳松江府志。性

之。疑即顧所愛。長洲諸生。明亡赴泮水死。學者稱東湖先生。見蘇州府志。李木乃王象春。山東新城人。萬歷庚戌進士。歷官吏部郎中。見明詩綜小傳。是札有東省借重語。殆與山左當道書也。

癸七冊。紙本。對幅裝十幅。鄒之麟。李康先。陳子壯。口奇。尺牘共十種。第一。二幅。皆縱八寸四分。橫二寸九分。行書。至親不作虛文。足下亦弗以客氣待我。別具不腆。可簡存之。朽麟頓首。成侯賢倩足下。無印。

下九牘同

第二。二幅。皆

縱八寸四分。橫三寸三分。行書。昨所相商。聞  
已致之惠翁。今兄頗有通融之美意。若果則  
感佩無已。足下為我曲成之外。具不腆存之。  
呵凍不多及。成侯賢情足下。不佞麟頓首。第  
三。六幅皆縱七寸四分。橫二寸九分。行書。牋  
舟數百里。款我於山水之間。過禮過情。且感  
且慚。投老無用之人。恐以牛馬齒累諸親友。  
故稍稍避之。不意避之反逢之。逢之而其為

費更甚於在家也。如何。正欲修謝。而使者適至。又承遠寄。何疊疊也。王雙白字。遂一一如前所議致之。已得其要領矣。渠之四令叔。立孤人也。畢竟有本心人。其六令叔。經手人也。有帳算帳。亦義無可辭。雙白居中之人。亦無不相為。但請其本人回來。清理便了。覩面相呈。自有的當下落。非可以筆劄遙度者。絹已領到。待強印心來。礬過畫之。轉卞神芝去。褚

白浮來。道所寓不堪之甚。何不更諸爽塏者。  
亦易事也。附去家酒二罈。代儀二兩。畧見區  
區。秋來當牽舟奉迎。草草荅致。不悉。成侯賢  
倩行臺。即日。麟再頓首。左長。別後畢竟又到  
江陰。孟研已得甚佳。吳氏之約。又不至後期。  
大可快也。附聞。第四一幅。縱八寸。橫三寸二  
分。行書。此君亦可謂有心。幸致謝諸容面。晤  
不悉。麟頓首。第五一幅。縱橫同前。行書。尊翁

歸未。欲與君家鬪酒。可整步兵從事。阿兄致  
聲。麟頓首。第六。一幅。縱八寸六分。橫三寸二  
分。行書。昨欲觀卷子耳。不謂觀卷之後。過擾  
二位。令舅目與腹俱果然矣。稿二冊付去。雙  
白與令舅統致聲。期服生之麟頓首。第七。一  
幅。縱橫同前。行書。昨為竟日談殊快。明日當  
有雨。小令弟瘧須三發後。以一劑瘳之。王道  
藥四味耳。其效更甚於牙散也。如此世道。行

將賣藥度世。兄願從我乎。一笑。麟頓首。第八  
二幅。皆縱七寸。橫三寸二分。行書。承年翁厚  
愛。百凡吐露肝鬲。必蒙照亮。其黃老師上疏  
之故。弟偶有所聞。即黃大兄亦不肯與弟明  
言。乞秘之。恐滋議論。特此奉布。弟名另具。無  
款印。幅末原注。李金我名康先。第九。二幅。皆縱六寸九分。  
橫三寸。行書。媿承獎借。益不知其腕中之有  
物也。二扇浣却。附復。幸存之。諸面不備。壯再

頓首。冲無印。

秋幅末原注陳秋濤名子壯

第十。四幅。皆縱六

寸八分。橫二寸二分。行書。初來常山。便擬一往登陸。竟抵貴治。促膝話故。傾倒離懷。不意今還玉山。逆流而上。亦復不敢登陸。以弟懶慢之性。長途畏暑。故耳。然道經兩番。不得一晤仁丈。則彼此悵恨。亦是生平中缺典。特附數行。先於安仁縣馳報。或約在弋陽縣。子桑處一會。且聞此間龜峯甚奇。同往一回。大快。



事也徐七兄亦望同來一話至祝至祝弟當

以十一日至弋陽再告弟奇再頓首無印此札

款不署姓

未知何人

謹案李康先字嵇仲鄆縣人萬應丁未進士

歷官太子少保禮部尚書見寧波府志陳子

壯字集生南海人萬應己未賜進士第三

官禮部尚書明末殉難明史有傳王雙白名

廷璧武進人見明詩綜小傳

癸八冊紙本摺裝十一幅文倣書治安策鄒

賽貞書記一篇詩十首共三種第一七幅皆

縱七寸。通橫四尺三寸五分。楷書治安策。

夫掛

國固必相疑之勢。起至此病是也止。無名款。鈐印五。硯潭三語。

軒。山中有主。端容杏花春雨樓。第二兩幅皆

縱七寸三分。橫八寸二分。楷書。東山愛日記。

姑孰郡齋。左方之隙。有山焉。可畝丈餘。名曰

小東山。郡守遊息之所也。山之上。軒豁高朗。

四面洞達。畢見民隱者。為視民亭。其下則鬱

蔥環繞。陰翳含發者。為延翠亭。西則碧波潏

灩。芙蕖的歷者。為愛蓮池。四圍周匝。則有梅。  
有桃。有松竹。有棗花。有菊。有萱。而四時之景。  
物畢萃焉。宛若蓬島之勝境也。於時遼陽傅  
公。以進士擢居諫垣。多謇諤聲。天子念吾郡  
為畿輔重地。特簡公守是郡。無何。六事修飭。  
百廢具興。郡民安堵。明年。迎其母太夫人來  
養。每值公暇。則率其子孫。日具酒饌於茲山。  
稱觴戲綵。以為壽。隨其所欲者。極力為之。惟

恐其少有所拂耳。於是太夫人盤桓陟降乎  
茲山之間。俯視羣彙之暢達。遐眺萬姓之宴  
安。懽忻夷愉。康寧叟鑠。不必割肥烹鮮而甘  
且飫矣。且即諸景分題繪圖。題曰東山愛日。  
撮其要也。余既各為之詠。而復俾為記。余聞  
之孔子云。父母之年。不可不知也。一則以喜。  
一則以懼。記者以為喜懼之念兩存。則於愛  
日之誠。自不能已矣。至於詩。則云且以喜樂。

且以永日。蓋喜樂則日永矣。永日即愛日也。  
嗟乎。父母之恩猶天地然。天地之恩無涯也。  
父母之生有涯也。古人一日之養。不以三公  
換。庸詎非以三公可得。而父母之年不可得  
耶。夫日之當愛審矣。而養之當重宜矣。雖然  
未也。天子以天下養。諸侯以國養。大夫以家  
養。庶人以身養。而士君子之脩德樹行建  
功揚名者。以百世養。是故謂之尊親。謂之顯

親謂之大孝。敢以是為公期望。為太夫人頌  
禱。遂書以為記。第三兩幅縱橫同前。楷書。視  
民亭。宣化羣黎德意長。萬家襦袴頌聲揚。清  
懷一勺姑溪水。龜鶴相依壽北堂。梅七日孤  
根暖復回。百花頭上一枝開。實成看取調羹  
日。列鼎榮親上壽臺。桃花開自是瑤池種。獻  
實曾傳漢帝家。千歲祥光呈壽域。金章耿耿  
照流霞。延翠亭。冉冉天涯一色蒼。密雲千頃

護琳琅。生香不斷。貞仙境。綵舞聯翩。進壽觴。  
荷花池。獨愛濂溪久著名。清香一郡樂生生。  
壽堂怡玩西湖景。綠蓋紅幢照眼明。棗。累累  
紅玉燦朝霞。仙種由來席上誇。榮樂兒孫稱  
壽考。安期巨實大如瓜。菊。拂拂秋風香滿庭。  
壽筵忻指綠銷金。清英和露釀春酒。次第賡  
歌慰德音。竹。清風隱隱動琅玕。直節虛心幾  
歲寒。賸有清香名壽酒。高堂日日報平安。松。

鬱鬱貞姿冒雪馨。千年勁節樹青冥。仙人咲  
實增長壽。更有靈根化伏苓。萱退食公庭喜  
奉萱。北堂遺愛繼周南。天邊雨露榮慈壽。化  
日熙熙酒正酣。勅封孺人。治下濮門七旬八  
歲。老拙鄒氏頓首拜書。無印。

謹案鄒審貞。當塗人。贈御史諫之女。適國子  
監丞濮某。封孺人。子韶。中宏治丙辰進士。官  
翰林編修。傳公名鑰。遼東人。正德辛未進士。  
見題名碑。江南通志。

收傳印

記臧廷鑑印

重受滋

重一第  
三冊。

圓印一



不可辨。朗文湛瑩信印。董祖源印。董氏家藏。

第四冊。卧菴所藏。重二。第  
六冊。